

Efesios

1 Pau²lah³lo²na¹xai²na² ũ³wha²li¹la³kxi¹nx2ta¹wa².
 Txai²na¹xai²na² Je³su² Kris²tu³jah¹lo²su² Jah¹la²;
 Txa²wā¹sũ³na² Si³yxau³tāu³a¹ a²ten³jau³su²
 i³wet1so¹sxā³ hxi²kan¹txi³lot3sa³na²hē³la²;
 Sa³ha²kxai³ Txa²wā¹sũ³na² wān³txa² wi¹jau³xa²
 a²nũ²a² yxo²ha³kxa¹ i³hen³txain¹si¹ha¹jau³nũ³a²
 i³sa²si¹hā³sa²kxah³lo²sa¹wa². Nxe³sa²kxah³lo²na¹xai²na²
 ũ³wha²li¹la³kxi¹nx2ta¹wa². E²fe³so³thi³na²
 yxau²xai³yah³lxin¹te² i³nxai²na² Txa²wā¹sũ³na²
 wān³txa² wi¹wi¹nxe² yxo²i²yah³lxi¹nha²kxai³
 Je³su² Kris²tu³jah¹la² ā³nũ²nxi²sxā³
 yxau³ya³nx2ti³na³la². Nxe³yah³lxin¹te² i³nxai²na²
 ũ³wha²li¹la³kxi¹nx2ta¹wa².

2 Txa²wā¹wi³na² Txa²wā¹sũ³na² Si³yxau³tāu³su²
 tāu³a¹ Je³su² Kris²tu³jah¹la² Txa²wā¹hxi²kan¹ta²
 Si³yxau³tāu³a¹ nxe³ya³sxā³ kāin² thāi³ti³la²
 a³lxi¹nx2ti³si¹hi² wxa²nxũ²kwai³nāu³a²
 ā³nhāu²no³txa²lxi³si¹hi² nxe³nx2ti³si¹ha¹jau³su²
 ten³sa³nha²wa².

*Kris²tu³jah¹lai²na² hxi²ka² yen³kxa² wi¹kxa²
 ũ³hũ¹nē³jau³su²*

3 Txa²wā¹sũ³na² Si³yxau³jah¹la²
 sa²nēn¹kxi²a³sah¹lxi³wxa². A²nxe³jah¹la²
 Je³su² Kris²tu³jah¹la² Txa²wā¹hxi²kan¹ta²
 Si³yxau³jah¹lo²su² ha²kxai³ a²nxe³jah¹lo²su² Jah¹la²
 A²wi³nai²la¹wa². Kris²tu³jah¹la² ā³nũ²nxi²sxā³
 yxau³ya³nhē³lha²kxai³ txa²wā¹ē¹nāu³ai²na²

yen³kxa² wi¹kxa² ũ³hũ¹nē³na²hē³la². Oh³xan¹te²a²
yen³kxa² ũ³hũ¹nē³na²hē³la².

4 Kxã³nhxĩ¹nu¹ta²kxai³ a²wi¹lhĩ¹nu¹ta²kxai³
txa²wã¹ha³lo²a² yũ²nxa³hĩ¹nu¹ta²kxai³lu¹
Txa²wã¹sũ³na² hi²sen³su² Kris²tu³jah¹la²
ã³nũ²nxi²sxã³ yxau³ya³nhē³ja³kxa³nũ³su²
ã²la² ĩ²sxã³ ã³yũ³so¹nē³ta¹hxai²ti³ai¹ti²tu³wa².
Wi¹lhin¹sxã³ kãĩ³si¹nhē³lha²kxai³ ko³nxe³ju³ta²
yũ³ye²ki³sxa³ha²kxai³ nxe³si¹ki³jau³nũ³su² ĩ²sxã³
ã³yũ³so¹nē³ta¹hxai²ti³ai¹ti²tu³wa². A³lxi²nē³lha²kxai³
nxe²kãĩ³ũ¹nhē³ta¹hxai²ti³ai¹ti²tu³wa².

5 A³lxi²nē³lha²kxai³ kxã³nãu³u¹ta²na²
Txa²wã¹sũ³na²:

– ĩ²sxã³ ã³yũ³so¹na¹tũ¹xã¹. Nxe³jau³su²
wã²nxũ¹hain³nha²ta¹hxai²hē¹la².

– ã³yũ³so¹ai¹na¹tũ¹xã¹. Ai¹na¹kxai²nãn²tu³
txa²wē³ha³lxi³lo³ta¹na¹tũ¹xã¹. Je³su² Kris²tu³jah¹la²
yxo²ĩ²ai¹nha²kxai³ nxe³te²nũ³su² nxai¹na¹tũ¹xã¹.
Ju¹ta²na² nũh¹lxi³sxã³ a²ten³jau³su² ha²kxai³lã¹.
Nxe³ta¹hxai²hē¹la².

6 Txa²wã¹sũ³na² Ta²hai²na² Kris²tu³jah¹lai²na²
a³lxi²khai¹nxe³jah¹lai²na² nxe³te²na²
wã²nxũh¹lxi³sxã³ a²sa³wi³ha³lxi³su²
ti³hi¹tē³na²hē³la². Nxe³sxã³ Txa²wã¹sũ³nu²su²
te²kxai³lu² thãĩ³ti³la² a³lxi²nē³jau³su² ĩ²nē³lha²kxai³
wi¹lhin¹sxã³ ĩ²nē³lha²kxai³ nxe³nē³na²hē³la².
Nxe³nē³ju³ta²li² ĩ³sa²nēn¹kxi²a³sah¹lxi³wxa².

7 Jã¹nxe³sxã³ Kris²tu³jah¹la² ya³lu²kxi²nē³lha²kxai³
ã³wa²sutl¹sxã³ yxau³ki³tã³la². Txa²wã¹ko³nxe³ti³
kãĩ³ki³ju³ta² ne³wã²na³ũ¹nhē³na³la². Kãin²
thãĩ³ti³la² a³lxi²nē³ju³ta² kãin²khai¹nxe³ha²kxai³
nxe²kãĩ³sa²tē³ũ¹nhē³na³la².

8 Kwa²hāi¹nxe² wã²nxũh¹lxi³sxã³ kãin²
 thãi³ti³la² a³lxi²nẽ³lha²kxai³ wi¹lhin¹sxã³
 ĩ²sa²tẽ³nẽ³na³la². Txa²wã¹sũ³na² te²nãn²tu³
 a²hoh³lxi³su² khai¹nxe³ha²kxai³ a²ẽ¹nãu³ai²na²
 ain³nha²sxã³ wain³txi³ a³la³kxi²ha²kxai³,

9 a²ten³khai³ju³ta² kãi³ta¹hxai²hẽ¹la².
 Kxã³nãu³u¹tai²na² Txa²wã¹sũ³na²
 ẽ¹nãn¹jau³kxai³lu¹, e³te³nah¹lxi¹:

— Kris²tu³jah¹la² ĩ³sa²si¹hã¹a¹tũ¹xã¹.
 Na¹kxai²nãn²tu³ ya³lu²kxi²nũ¹hain¹tũ¹xã¹.
 Ya³lu²kxi²nũ¹hain¹kxai²nãn²tu³ a²ẽ¹nãu³ai²na²
 sa²hau³ko³tũ¹hai¹na¹tũ¹xã¹. Nxe³jau³su²
 nũh¹lxi³sxã³ Txa²wã¹sũ³na² e³ta¹hxai²hẽ¹la².
 Nxe³jau³su² ha²kxai³ hĩ¹nai²na¹ jau³xu¹tai²na²
 kãi³ta³lun²na²hẽ³la². A²nxe³ju³ta²li² kãi³kxe³su²
 ĩ³yau¹ũ¹nhẽ³na³la².

10 A²nxe³jut³su² kxã³nãu³a¹ ha³lo²a²
 hau³hau³kon³na³na¹ nxe³tãu³a¹ yen³kxai²na²
 a²yo²ha³kxa¹ a²nũ²a²nãu³xai²na² a²yo²ha³kxa¹
 ha³lo²ai²na² a²yo²ha³kxa¹ oh³xan¹te²a²
 whãi²na¹ yuh³xan¹te²a² whãi²na¹ nxe³sxã³
 Kris²tu³jah¹la² hi²sen³kxai³lu² nxe³ju³ta²na²
 whãi²na¹ a²wa³kxẽn³ta³tu¹wa².

11 Jã¹nxe³jut³su² a²wi¹lhĩ¹nu¹tai²na²
 Txa²wã¹sũ³nu²kxai³lu² a²ẽ¹nãn¹jau³kxai³lu¹:

— Kxã³nãu³a¹ wẽ³ha³lxi³lo³ta¹tũ³kã³txi³nũ³a²
 yũ³sa³tũ¹xã¹, ĩ²sxã³ ã³yũ³so¹ai¹na¹tũ³kã³txi³nũ³su¹.
 A²nxe³te²nũ³su² te²a² Kris²tu³jah¹lai²na² wãn³txa²
 yxo²ĩ²ain¹sxã³ ã³nũ²nxi²sxã³ yxau³ya³hain¹tũ¹xã¹.
 Nxe³ju³ta²na² kxã³nãu³a¹ nxe²kãi³a¹tũ¹xã¹.
 Txa²te³na¹jau³sa²na³na¹. Nxe³ta¹hxai²hẽ¹la².

12 Nxe³ju³tan¹te²kxa³ya³lhu² hĩ¹nai²na²
 Kris²tu³jah¹la² yxo²ĩ²sĩ¹na¹wa². Jã¹nxe³sxã³
 a²nũ²a² ã³xa² yxo²ĩ²ain¹nũn³tu¹wa².
 Jã¹nxe³ha²kxai³ Txa²wã¹sũ³na² Si³yxau³jah¹la²
 wxi²kin³ti³to³nha²kxai³ sa²nẽn¹kxi²a³sah¹lxi³hẽ¹la².
 Nxe³ju³tai²na² Txa²wã¹sũ³nai²na² a²ten³jau³su²
 na³la².

13 Te²yã¹nxũn³sxã³ wxa²nũ³ka³txi³ ĩ³nxai²na²
 yxo²ĩ²yah³lxi³nũ³nĩ¹nhẽ³la². Txa²wã¹sũ³na²
 wãn³txa² ya²la³lyau³xai²na² wi¹jau³xai²na²
 yxo²ĩ²yah³lxi¹nhĩ¹na¹ Txa²wã¹sũ³na²
 hi²sen³kxai³lu² wxa²wa²su¹tũ¹nxai²lxi³na²hẽ³la².
 Nxe³yah³lxin¹te³na¹ Txa²wã¹sũ³na²
 hi²sen³su² A²yãũ³ka³jxah¹la² ã³nũ²nxĩ²sxã³
 yxau³ya³nx2ti³jau³su² ũ³hũ¹nx2ti³na²hẽ³la².
 Ũ³hũ¹nx2ti³te³nah¹lxi¹:

— Wxãĩ²na² yxo²ĩ²yah³lxin¹te² ĩ³nxai²na²
 txa²sa³wi³ha³lxi³khai³su² we¹ti³hi¹txa²lxa¹tu¹wi¹.
 Kxã¹nxãn¹jau³xu¹txain²txi³ e³kxi²na¹hẽ³li¹. Hĩ¹na²
 kãĩ³ũh¹nx2ti³ta³lu²na¹tu¹wi¹.

14 Yan¹nãũ³a¹ yen³kxa² wi¹kxa²
 ũ³hũ¹nx2ta¹ju³ta³nũ³a² yũ³tu¹wi¹. Nxe³kxe³su²
 wãn³txa² e³kxi¹nx2ta¹jau³xa² ya²la³lyau³su²
 ye²kxe³su² Txa²yãũ³ka³txa² ũ³hũ¹nx2ta¹hẽ³li¹.
 Nxe³nx2ta¹ha²kxai³ wxa²wa²su¹khai¹nxe³sxã³
 yxau³yah³lxin¹ju³ta³nũ³su² yũ³nx2ti³tu¹wi¹.
 Nxe³jau³su² nxe³nx2ti³na²hẽ³la². A²nxe³jut3su²
 Sũ³na² wxi²kin³ti³ton³ju³ta² ĩ³kãĩ²not3sxã³
 ĩ³sa²nẽn¹kxi¹jah³lxi³hẽ¹la².

Pau²lah³lai²na² a²yxowã³txa² Sũ³na²
ĩ³ye³kxi²jau³su²

15 Wxa²nũ³ka³txi³ ĩ³nxai²na² Txa²wã¹hxi²kan¹ta²
Si³yxau³jah¹la² Je³su²jah³la² yxo²ĩ²yah³lxi³ta¹hi¹nhẽ¹la².
Yxo²ĩ²tũ³ka³txi³ ĩ³nxai²na² a²yxo²ha³kxa¹
a³lxi²waun¹nyhu¹ah³lxi³ta¹hi¹nhẽ¹la².

16 Nxe³yah³lxi¹nha²kxai³ Txa²wã¹sũ³na²
e³kxi²na¹tãu³a² e³kxi²na¹wa². E³kxi²na¹te³nah¹lxi¹:
— Txa²sũ³nu²yah³lãi³. Tũ¹ka³txai²na²
yxo²ĩ²nxain¹na³li¹. Nxe³kxe³su²
ĩ³sa²nẽn¹kxi²nxã²sĩ¹na¹nhai¹. Nxe³ha²kxai³
tũ¹ka³txai²na² ã³nxũ²kwai³lxũ¹txai¹nhẽ³li¹.

17 Wxãi²li² Txa²wã¹sũ³na² Si³yxau³kah³lo²si¹lxi¹.
Txa²wã¹hxi²kan¹ta² Si³yxau³jah¹la² Je³su²
Kris²tu³jah¹la² A²wĩ³nu²si¹lxi¹. Wxi²kin³ti³ton³te²a²
A²si³yxau³jah¹lo²si¹lxi¹. Nxe³si¹ha²kxai³ a²ẽ¹nãu³a²
a²hoh³lxi³si²nũh¹txai¹nhẽ³li¹. Wxa²ha³lo²a²
ĩ³yau¹ũ¹txai¹nhẽ³li¹, Je³su² Kris²tu³jah¹la²
a³la³kxi²nũ¹si¹hain¹jau³su¹.

18 Te²yã¹nxũn³sxã³ ha³lo²a² ĩ³ha²te¹jut3sũ³nxe²
a²ẽ¹nãu³ai²na² wi¹la³la³kxi²ti³hit1txai¹nhẽ³li¹.
Nxai¹nĩn¹kxai²nãn²tu³ ĩ³hi¹txain¹si¹hin¹jau³su²
ĩ³kaix1so¹ai¹nĩn¹ju³tai²na² wi¹wi¹nxe²
wah³nxe³nxain¹kxe³nũ³su² ã³ne³wxe³ain¹tu¹wi¹.
Yxo²ĩ²tũ³ka³txa² yen³kxai²na² ha³lo²ai²na²
wi¹ju³ta³nũ³a² ũ³hũ² kãi²no³tai¹nĩn¹ju³ta³nũ³a²
ã³ne³wxe³ain¹tai²li¹.

19 Yxo²ĩ²nxain¹tũ³ka³txai²na² nũ³kxũn³txi³
hxi²kan¹txi³lo³tai¹nĩn¹kxe³su² ã³ne³wxe³ain¹tu¹wi¹.
Jã¹nxe³sxã³ nũ³kxũ³nĩn¹ju³tain²txi³ nũ³kxũn³txi³
hxi²kan¹ti³hi¹tai¹nĩn¹tu¹wi¹.

20 Nũ³kxũ³nĩn¹ju³txai²nãn¹te²kxa³ya³lhu²
Kris²tu³jah¹la² ka³ten³su² ĩ³sa²yxau³si¹hi¹nha²kxai³
nxe³te²la¹wi¹. A²nxe³sxã³ Kris²tu³jah¹la² ka³ten³su²
ĩ³sa²yxau³si¹hin¹ka³tu³ ha³lo²a² oh³xan¹ko³xai²na²

wxa²wi¹nxa²tãu³a² ùh³wxe³si¹hin¹nũ²hẽ³li¹, ha³lo²a²
yxo²ha³kxa¹ a²wa³kxẽn³su² ya³hin¹jau³sa¹.

21 Ûh³wxe³si¹hin¹tau³a¹ a²nũ²a² a²yxo²ha³kxa¹
ã³sen³sai¹sxã³ ne³ka³ta²si¹hin¹nũ²hẽ³li¹
Oh³nãu³u¹tai²nãn¹tũ³ka³txa² a²hxi²kan¹ti³nãu³xa²
ã³sen³sai¹ha²kxai³ a²ta³nãu³xa² a²hxi²kan¹ti³nãu³xa²
ã³sen³sai¹ha²kxai³ nũ³kxũn³khai³x1nxe³te²nãu³xa²
a²hxi²kan¹ti³nãu³xa² ã³sen³sai¹ha²kxai³
sa²ki³la³xi²te²nãu³xa² ã³sen³sai¹ha²kxai³
nxe³si¹hin¹nũ²hẽ³li¹. Jã¹nxe³sxã³
hĩ¹nãn¹tũ³ka³txai²na² nũ³kxũn³te²nãu³xa²
ã³sen³sai¹ha²kxai³ yan¹nãu³ãn¹tũ³ka³txi³nũ³a²
nũ³kxũn³te²nãu³nũ³a² ã³sen³sai¹ha²kxai³ nxe²
Kris²tu³jah¹lai²na² nxe³si¹hin¹nũ²hẽ³li¹.

22 Te²yã¹nxe³sxã³ Kris²tu³jah¹lai²na²
a²yu³hẽ³nãu³a² yen³kxa² yxo²ha³kxa¹
ùh³wxe³yen¹nũ²hẽ³li¹. A²wa³kxẽn³ta³ti³hi¹tin¹nũ²hẽ³li¹.
Nxe³ha²kxai³ yxo²i²tũ³ka³txi³nãu³xai²na²
a²yxo²ha³kxa¹ A²hxi²kan¹txa² Si³yxau³kah³lo²su²
ti³hi¹tin¹nũ²hẽ³li¹.

23 Txa²wã¹ne³ka³nãu³ai²na² sa²kxai³lu²
txa²wã¹nũ²ai²na² whã²na¹ wi¹lhau³ko³te²ju²hẽ³li¹.
Nxe³kxa² yã¹nxe³sxã³ Kris²tu³jah¹lai²na²
sa²kxai³lu² yxo²i²nha¹tũ³ka³txi³nãu¹xai²na²
wi¹lhau³ko³jah¹lai²la¹wi¹. Nxe³kxe³su² ha²kxai³
Kris²tu³jah¹lo²kxai³lu² yxo²i²tũ³ka³txai²li²
wi¹lhau³ko³tũ¹nha³li¹. Nxe³ha²kxai³la¹
Kris²tu³jah¹la²yã¹nxe³sxã³yxo²i²tũ³ka³txi³ki³nãu¹xai²na²
sxi²je³na² i²li³je³na² yxau²ho³hain¹kxan²ti³
wi¹lhau³ko³tũ¹hain¹nũn³sĩ¹na¹wi¹,
Kris²tu³jah¹lo²kxai³ Txa²wã¹hau³ko³jah¹lo²su²
ha²kxai³lu¹. Nxe³jau³xai²na² Txa²wã¹sũ³na²
e³kxi²na¹tãu³a¹ nxe²e³kxi²to³nha¹wa².

2

Yā³lu²sxā³
ka³ten³ti³hi¹tē³jau³su²

yxau³ki³te²nāu³xa²

1 A²kxā³nxai³tā² Txa²wā¹sū³na²
wān³txa² sa²yo²ā³yah³lxi¹nha²kxai³
ko³nxe³ju³ta² kâi³yah³lxi¹nha²kxai³ nxe²
yxau²xai³yah³lxi³hxain¹ti³ai¹ti²tu³wa².

Txa²wā¹sū³na² ten³yah²lxa³nha²kxai³
ya³lu²te²hū³nxe² Txa²wā¹sū³na²
yxau²xai³ye²yah³lxi³to³hin¹ta¹hxain¹ti³ai¹ti²tu³wa².

2 Nxe³yah³lxi¹nhī¹nai³tā² yuh³xai²nān¹tīh³na²
ko³nxe³tīh³nai²na²ā³si³tē³la³kxi²yah³lxi³hxain¹ti³ai¹ti²tu³wa².

Ko³nxe³khai¹nxe³jah¹lai²na² oh³sī³nān¹te²a²
hxi²kan¹jah¹lai²na²wān³txa²sa²yo²we¹jah³lxi³hxain¹ti³ai¹ti²tu³wa²
Sa³ta³na²jah¹lo²khai³xai²la¹wa². A²ta³a²

wān³txai²la¹wa². A²nxe³te²kxai³lu² Sū³na² wān³txa²
sa²yo²ā³tū³ka³txai²na²wa³ka³ti³lo³tain¹te²ju²hē³la².

3 Nxa²ha¹te¹ tū¹ka³txai² yā¹nxe²
kâi³nūn³ki³tai¹ti²tu³wa². Tū¹ka³txai²

yā¹nxe³sxā³ txa²wā¹sī³na² a²ten³ju³ta² ko³nxe³ti³
kâi³ki³tai¹ti²tu³wa². Kwa² kuh³lxa³thin¹sxā³

ain³nha²ki³jau³xa² we¹ki³tai¹ti²tu³wa². Nxe³sxā³
tū¹ka³txai² yā¹nxe³sxā³ Txa²wā¹sū³na² ko³nxe³ti³
ī³yī¹li²nē³ju³ta³lot³sxā³ yxau²xai³ki³te²ju²hē³la².

4 Nxe³yān¹ta¹ Txa²wā¹sū³na² hi²sen³su²
a³lxi²khai¹nxe³nē³lha²kxai³ wi¹lhin¹sxā³ thāi³ti³la²
sa²hau³ko³tē³ta¹hxai²ti³ai¹ti²tu³wa².

5 Nxe³sxā³ txa²wā¹ko³nxe³ti³ kâi³ki³kxe³su²
yxau²xai³ki³tāu³ai³tā² Txa²wā¹sū³na² te²hi²sen³su²
a³lxi²nē³lha²kxai³ txa²wā¹ē¹nāu³ai²na²
sa²hau³ko³tū¹nhē³na²hē³la². Kris²tu³jah¹la²

ā³nū²nxi²sxā³ yxau³ya³nhē³lha²kxai³ ka³ten³su²

ti³hi¹tē³na²hē³la². Txa²wā¹sū³nān²tu³ kāin²
thāi³ti³la² a³lxi²nē³lha²kxai³ ka³ten³su²
ti³hi¹tē³na²hē³la².

6 Je³su² Kris²tu³jah¹la² ā³nū²nxi²sxā³
yxau³ya³nhē³lhxā³ yxau³ki³sī¹nān¹te²tu³
oh³nāu³u¹tai²nān¹ko³xai²na² yxau³ya³nhē³lhi¹jau³nū³su²
ī³hxi²ka¹tē³na²hē³la².

7 Txa²wā¹sū³nu²kxai³lu² a³lxi²nē³ta¹hxai²ti³ai¹ti²tu³wa².
Nxe³nē³ju³tan¹te²kxa³ya³lhu² Je³su² Kris²tu³jah¹la²
ā³nū²nxi²sxā³ yxau³ya³nhē³te²ju²hē³la².
Nxe³nē³lha²kxai³ nxe³hī¹nān¹te²tu³
Txa²wā¹sū³na² kāin² thāi³ti³la² a³lxi²nē³ju³ta²
kāin²khaix¹nxe³ju³tan²tu³ a²nū²a² yxo²ha³kxa¹
hxi²kan¹ti³ ī²si¹nhē³tu¹wa².

8 Txa²wā¹sū³nai²na² wā²nxūh¹
a³lxi¹nx2ti³na³la². A³lxi¹nx2ti³ha²kxai³
Je³su²jah³la² ya³lu²kxi²nūh¹nx2ti³ti³ai¹ti²tu³wa²,
txa²wā¹ko³nxe³ti³ kâi³ki³kxa² wah³xa²
ā³wa²su¹tū¹nhē³si¹jau³sa³. Nxe³ju³tan¹te²kxa³ya³lhu²
yxo²ī²yah³lxi¹nha²kxai³ wxa²ē¹na²
ā³wa²su¹tūh¹nx2ti³ti³ai¹ti²tu³wa². Hxi²kan¹txi³
wā²nxūh¹lxi³ wxa²ē¹na² ā³wa²su¹jah¹lxi³hī³nx2nxa³lxa².
Txa²wā¹sū³na² so¹lxi³ ē¹na² ā³wa²su¹tū¹nhē³jah¹lai²la¹wa².

9 Jā¹nxe³sxā³ wi¹kâi³yah³lxin¹kxan²ti³ hxi²kan¹txi³
ē¹na² sa²wa²su¹tū¹yah¹lxi³hī³nx2nxa³lxa²,
yxo²kāin²e³yah³lxin¹kxa²yan³txi³sa³.

10 Txa²wā¹sū³na² hi²sen³su² tah²lxi³
sa²we¹tē³jah¹lai²la¹wa². Yen³kxa²
wi¹kxa² so¹lxi³ kâi³si¹nhē³jau³su² Je³su²
Kris²tu³jah¹la² ā³nū²nxi²sxā³ yxau³ya³nhē³lhxā³
yxau²sa²tē³ki³tā³la². Nxe³ju³ta²
kxā³nxu¹tai²na² Txa²wā¹sū³na² a²ē¹nān¹jau³la³

nxe²e³ta¹hxai²ti³ai¹ti²tu³wa².

Kris²tu³jah¹la² ã³nũ²nxi²sxã³yxau³ya³nhẽ³jut3su²

11 Nxa²ha¹te¹ ĩ³ne³kxe³kxi²sxã³
sa²wa²lho¹xi²nha¹jah³lxi³hẽ¹la². Ju³te²a²
nũ³ka³txi³syah¹lxa³lxa². Yxah²lxa³nha²kxai³
txai²na¹xai²na² Ju³te²a² nũ³ka³txi³na¹xai²nãn²tu³
a²nũ²a² hxi²ki³la³ ã³sa³si³tũ³ko¹kxã¹tũ³ka³txi³su²
Txa²wã¹sũ³na² ĩ²sxã³ ĩ³so¹kxi²sa²sĩn¹tu³ka³txi³su²
nxe³te²su² sĩ¹na¹wa². Nxe³ju³tan¹te²kxa³ya³lhu²
Sũ³na² sa³wi³ha³lxi³sa²ye²ki³ju³ta² a²nũ²a²
a²yo²ha³kxa¹ a³la³kxain¹te²ju²hẽ³la².
Jã¹nxe³kxan²ta¹ wxã¹nãu³ ĩ³nxai²nãn²tu³
Ju³te²a² nũ³ka³txi³sxa³te²nãu³ ĩ³nxai²nãn²tu³
ũ³sa³si³tũ³ko¹kxã¹nha²tũ³ka³txi³sxah¹lxa³lxa².

12 Nxe³yah²lxa³nhĩ¹nai³tã² Kris²tu³jah¹la²
ã³nũ²kxi²sxã³yxau³yah³lxi³te²sxan³yu²hẽ³la². ĩ³sa³e²
nũ³ka³txi³su² yah³lxi³te²sxan³yu²hẽ³la². ã³waix3sxã³
yxau³si¹nxã²lxain¹te²ju²hẽ³la². Kxã³nhxĩ¹nu¹taĩ²na²
Txa²wã¹sũ³na² wãn³txi³kxai³lu¹, ĩ³sa³e² nũ³ka³txa²
ain³kxi²ti³an¹jau³kxai³lu¹:

— Txa²sa³wi³ha³lxi³nãu³su² yah³lxi¹lxi¹.
Wi¹lhau³ko³tũ¹nx2ta¹tu¹wi¹. Nxe³jau³xu¹taĩ²na²
kxã³nxai³tã² yũ³yah³lxi³te²sxan³yu²hẽ³la².
Txa²wã¹sũ³na²yen³nãu³a²yxau³kxi²yah³lxin¹ju³ta³nũ³a²
wahx3yah³lxi³te²sxan³yu²hẽ³la².
Yuh³xai²nãn¹ko³nãu³a² yxau²xai³yah³lxin¹tãu³a²
Txa²wã¹sũ³na² ã³ten³yah³lxin¹ju³ta²
yũ³yah³lxi³te²sxan³yu²hẽ³la². U²lxi³ ã³si³tũ³lxi²sxã³
yxau³si¹nxã²lxain¹te²ju²hẽ³la². Nxe³yah³lxin¹jut3su²
nxe²kãĩ³yah³lxi³ta¹hxai¹nhẽ¹la².

13 Nxe³yān¹ta¹ hī¹na² sa²kxai³lu² wxāi²nāu³
 ī³nxai²na² ā³waix³sxā³ yxau³yah³lxin¹te² ī³nxai²na²
 hī¹na² jā¹nxe³sxā³ ā³si³tu³lxix²sxā³ yxau³yah²lxa³lxa².
 Je³su² Kris²tu³jah¹la² hi²sen³su² ā³nū²nxi²sxā³
 yxau³ya³nx2ti³na³la². Je³su² Kris²tu³jah¹la²
 ya³lu²kxi²nūh¹nx2ti³ta¹hxai²ti³ai¹ti²tu³wa².
 A²ti³ha²yau³khai³xa² ha³li³hxan³nū¹nx2ti³sxā³
 ya³lu²kxi²nūh¹nx2ti³ta¹hxai²ti³ai¹ti²tu³wa².
 Nxe³nūh¹nx2ti³ha²kxai³ wxa²ē¹nāu³ai²na²
 ā³wa²su¹tū¹nx2ti³na²hē³la². Nxe³ju³tan¹te²kxa³ya³lhu²
 ā³tū³sih¹nx2ti³na²hē³la².

14 Je³su² Kris²tu³jah¹la² sa²kxai³lu²
 hāu²no³tū¹nhē³jah¹lo²su² na³la². Nxe³sxā³
 Ju³te²a² nū³ka³txi³su² sa²so¹ha²kxai³ Ju³te²a²
 nū³ka³txi³sxa³te²nāu³xa² sa²so¹ha²kxai³
 tū¹ka³txai²na² yxo²ha³kxa¹ nū³ka³txi³
 ka³na³ka³na³ti³hi¹tē³na²hē³la². Ko¹kon¹su²
 kī³sxai²ju³tai³tā² ā³na¹ti³hi¹tē³nha²kxai³ nxe³sxā³
 ā³nū²kxi²si¹nhē³na²hē³la².

15 Nxe³ha²kxai³lu¹ Ju³te²a² nū³ka³txai²na²
 ū³wha²li¹txā³nxu¹txai²na² wān³txai²li²
 ā³na¹ha²kxai³ kwa³na³jau³xu¹tai²na² wān³txai²li²
 ā³na¹ha²kxai³ wān³txai³tā² hxi²kan¹txi³
 sa²yxo²we¹jah²lxan³jau³xai²na² ā³na¹ha²kxai³
 nxe³jah¹lo²su² ta¹hxai²ti³ai¹ti²tu³wa².
 Nxe³hī¹nān¹te²tu³a²nū²ai²na² Ju³te²a² nū³ka³txi³su²
 te²na² nxe³ta³nxax² Ju³te²a² nū³ka³txi³sxa³te²la³
 tā³nxax² ī²li³te²na¹ ā³nū²kxi²si¹hai¹nha²kxai³ a²nū²a²
 tah²lxix³ we¹tha²kxai³ hāu²no³nhyain¹na²hē³la².

16 Nxe³sxā³ Kris²tu³jah¹lai²na² sa²kxai³lu²
 hxi²kī¹la³kxi²sxā³ ya²lu²kxi²nū¹nhē³lha²kxai³
 a³ta³kxi²nyhu¹kxi³ju³ta² ā³na¹hxa³txā²hē³la².

Hxi²kī¹la³kxi²sxã³ ya³lu²kxi²nũ¹nhẽ³lha²kxai³
 Ju³te²a² nũ³ka³txi³su² te²na² Ju³te²a²
 nũ³ka³txi³sxa³te²su² te²na² ã³nũ²kxi²sxã³ nũ³ka³txi³
 ka³na³ka³na³tũ³ka³txi³su² ti³hi¹tain¹na²hẽ³la².
 Nxe³ti³hi¹tai¹nha²kxai³ Txa²wã¹sũ³na²
 Si³yxau³tãu³a¹ a²ẽ¹nãn¹jau³su² e³te³nah¹lxi¹:

— Tũ¹ka³txai²na² ã³wã¹lhit¹sa²sxã³
 ã³ya³lxi²xi²ti³hi¹tai¹na¹tũ¹xã¹. Nxe³ta¹hxai²hẽ¹la².

17 Jã¹nxe³jut³su² Kris²tu³jah¹lai²na² sa²kxai³lu²
 Sũ³na² wãn³txa² hãu²no³tũ¹nhẽ³jau³su²
 wi¹jau³su² ã³hen³txi³te³lhxã³ wxã³ta¹hxai²hẽ¹la².
 Wxã²nãu³ ã³nxai²na² Sũ³nai²li²
 ul²yxau²xai³lyah³lxin¹te²nãu³ ã³nxãin²txi³
 ã³hen³txi³nx²ti³ha²kxai³ Ju³te²a² nũ³ka³txi³su²
 Sũ³nai²li² ul²yxau²xai²nxa³te²nãu³ãin²txi³
 ã³hen³txai¹nha²kxai³ nxe³nx²ti³na²hẽ³la².

18 Jã¹nxe³jut³su² Kris²tu³jah¹la² ã³nũ²kxi²sxã³
 yxau³ki³tã³la². Nxe³ki³sa²kxai³ Ju³te²a²
 nũ³ka³txain²txi³ Ju³te²a² nũ³ka³txi³sxa³te²ain²txi³
 nxe³tũ³ka³txi³ki³nãu¹xain²txi³ Txa²wã¹sũ³na²
 Yãu³ka³jxah¹la² ã³hxi²ka¹ti³hi¹tẽ³na³la².
 Nxe³nẽ³ju³tan¹te²kxa³ya³lhu² Txa²wã¹sũ³na²
 Si³yxau³tãu³a² hxi²kan¹txi³ ã³ye³kxi²hĩ³ki³tã³la².

19 Nxe³ha²kxai³ nxe³hĩ¹nãn¹te²tu³
 wxa²nũ³ka³txi³ ã³nxai²na² Ju³te²a²
 nũ³ka³txi³sxa³te²su² yah³lxin¹kxan²ti³
 ã³lxi²tũ³ka³txi³su² yah²lxa³nha²kxai³
 kwa²ha³la³ka³lxa³lon³yah³lxa³nha²kxai³
 yah³lxi³hĩ³nx²nxa³lxa². Yxãn¹ta¹ ha³lo²a²
 yxau²xai³te²nãu³su² nxe³kxa² yã¹nxe³sxã³ Sũ³na²
 sa³wi³ha³lxi³lon³yah³lxi¹lxa², yxo²i²tũ³ka³txi³su²
 yah³lxi¹nha²kxai³la².

20 Sxi²ha² kãin²thi³na² txon³jut3sũ³ju³tai²la¹wa².
 Sxi²ha² au³txi³ txah³lxa³kxa² sa²ta³te²na²
 sa²kxai³lu² i³kaix1so¹tũ³ka³txi³su² te²na²
 Sũ³na² wãn³txa² hen³txi³tũ³ka³txi³su²
 te²na² nxe³te²nãu³xai²na² tah³lxa³kxan²tu³
 sa²ta³ki³te²hũ³nain¹na³la². Te²yã¹nxe³ju³ta²
 Je³su² Kris²tu³jah¹lai²na² sa²kxai³lu² txah³lxa³kxa²
 hxi²kan¹khai¹nxe³ka³thũ³jah¹lai²la¹wa².

21-22 Nxe³ha²kxai³ Kris²tu³jah¹lo²su²
 te²hi²sen³kxai³lu² a²nũ²a² yxo²i²tũ³ka³txai²na²
 a²yxō²ha³kxa¹ yxo²i² kãi²non³si¹hai¹nha²kxai³
 wi¹la³la³kxi² kãi²non³si¹hai¹nha²kxai³
 nxe²sa²tẽ³ũ¹hain¹na³la². Te²yã¹nxũ³sxã³
 wxa²nũ³ka³txi³ i³nxai²na² sa²kxai³lu²
 Kris²tu³jah¹la² yxo²i²yah³lxi¹nha²kxai³ Sũ³na²
 Yãu³ka³jxah¹la² ã³nxũ²kwai³wih¹nx2ti³sxã³
 yxau²sa²tẽ³nũh¹nx2ti³na³la². Nxe³ju³tan¹te²kxa³ya³lhu²
 nũ³ka³txi³ ka³na³ka³na³tãu³lot3si¹nhẽ³na³la².
 Nxe³sxã³ Txa²wã¹sũ³na² sxi²ha²
 ka³na³ka³na³thi³nhũ³ki³tã³la², Sũ³na² Yãu³ka³txa²
 ã³nxũ²kwai³yxau³nẽ³nha²kxai³la².

3

Pau²lah³la² Ju³te²a² nũ³ka³txi³sxa³te²nãu³xa²
wa³ka³li³yu³ta³lot3jau³su²

1 Jã¹nxe³jut3su² txai²li² Pau²lah³lo²na¹xai²li²
 Je³su² Kris²tu³jah¹lai²na² wãn³txa²
 sa²yxō²we¹te²sa¹ti²tu³wa². Te²sa¹ha²kxai³
 wxã¹nãn²ta³ Ju³te²a² nũ³ka³txi³sxa³te²
 i³nxãn²tu³ wãn³txain²txi³ i³yau¹ũ³nx2ti³te³lhxã³
 o²la³kxi²ye¹nx2ta¹wa². Nxe²o²la³kxi²na¹ju³tan¹te²kxa³ya³lhu²
 sxi²ha² kan²thi³na² ã³tĩ¹kxi²sain¹na²hẽ³la².

2 Jã¹nxa¹ju³ta² Je³su²jah³lai²na² wãn³txa²
 Sũ³na² kãin² thãi³ti³la² a³lxi¹nx2ti³jau³xa²
 wãn³txai²na² ĩ³yau¹ũ¹sih¹nx2ta¹jau³su²
 a²wa³ka³li³yu³ta³lot3sa³na²hẽ³la². A²nxe³jut3su²
 ne³kat1jah³lxin¹ta²lu¹wa².

3-6 Nxe³sxã³ kxã³nãu³u¹tai²na²
 Txa²wã¹sũ³nu²kxai³lu² e³kxi²ta¹hxai²hẽ¹la².
 E³kxi²te³nah¹lxi¹:

— Ju³te²a² nũ³ka³txi³sxa³te²na² ĩ²li³te²na²
 Je³su² Kris²tu³jah¹la² yxo²i²ain¹kxai²nãn²tu³
 Ju³te²a² nũ³ka³txa² yã¹nxe³sxã³ Sũ³na² yen³kxa²
 wi¹kxa² ũ³hũ¹ai¹nha²kxai³ Kris²tu³jah¹la²
 sĩ³na² a²nũ²nãu³khai³xa² a²ha³tih³nãu³a²
 yã¹nxe³te²lon³txai¹nha²kxai³ Kris²tu³jah¹lai²na²
 wãn³txa² sa²yxo²we¹nha²sxã³ ĩ³ye³kxi²jau³xai³tã²
 we¹ta³lu²nain¹nũ³nha²kxai³ nxe³nũ¹hain¹tu¹wi¹,
 Nxe³ta¹hxai²hẽ¹la². Jã¹nxe³sxã³ wãn³txa²
 hãi³jau³xu¹tai²na² hĩ¹nai²na¹ so¹lxi³
 ĩ³yau¹ũ³sa³na²hẽ³la². A²nxe³jau³xai²na² kxã³nxa²
 ũ³wha²li¹la³kxi¹nx2ta¹tai¹ti²tu³wa². Nxe³txã³nxai³tã²
 ã³nĩ²xi²sxã³ ĩ³sa²wa²lho¹xi²yah³lxin¹kxai²nãn²tu³
 wãn³txa² e³kxi¹nx2ta¹jau³xai²na²
 ã³ne³wxe³yah³lxin¹tu¹wa². Kris²tu³jah¹lai²na²
 wãn³txa² hãi³jau³xu¹tai²na² wãn³txain²txi³
 kwẽ¹ta² ĩ³yau¹ũ³sa²jau³xai²na² wãn³txain²txi³
 nxe³jau³xai²na² ã³ne³wxe³yah³lxin¹tu¹wa².
 Jã¹nxe³ju³ta² wãn³txai²na² kxã³nhxĩ¹nu¹tai²nãn²tu³
 ã²la² ã³no¹sa²tẽ³ta¹hxai²ti³ai¹ti²tu³wa²,
 Txa²wã¹yah³la²nãu³xu¹tai²na² a²nũ²a²nãu³xu¹tai²na²
 hai³txi³ ã³ne³wxe³ain¹ta¹hxai²nxa³hẽ¹la²,
 Nxe³yãn¹ta¹ hĩ¹nai²na² so¹lxi³ Sũ³na²
 Yãu³ka³jxah¹la² hi²sen³su² ĩ³kaix1so¹tũ³ka³txi³su²

wi¹lhin¹te²su² te²nãu³xa² Sũ³na²
wãn³txa² ĩ³hen³txi³tũ³ka³txi³su² te²nãu³xa²
nxe³ya³sxã³ Sũ³na² Yãu³ka³jxah¹lo²kxai³lu²
ĩ³yau¹ũ³yhah³lxi³ta¹hxai²hẽ¹la².

7 Te²yã¹nxũn³sxã³ Txa²wã¹sũ³na² hi²sen³kxai³lu²
kãin² thãi³ti³la² a³lxi²sain¹na²hẽ³la².
Nxe³sai¹nha²kxai³ wã³nxĩn¹khaix¹nxe³sxã³
wã²nxũh¹lxi³ wi¹lhin¹te²lot³sain¹na²hẽ³la².
Nxe³sain¹te³nah¹lxi¹:

— ĩ³hxi²ka¹txa²ha¹tu¹wi¹. A²nũ²a² yxo²ha³kxa¹
u²lxi³yxau³ain¹te²nãu³xa² Je³su²jah³lai²na² wãn³txa²
ĩ³yau¹ũ³si¹hai¹nhĩn¹jau³su² ĩ³hxi²ka¹txa²ha¹tu¹wi¹.
Nxe³sain¹na²hẽ³la².

8 Kãin²te²txã³wa². Yxo²i²tũ³ka³txai²na²
a²yxo²ha³kxa¹ ã³sen³sai¹sain¹na³la².
Nxe³sain¹kxan¹ti³ Txa²wã¹sũ³nai²li²
ũ³sa²si¹hã³sain¹na²hẽ³la². Ũ³sa²si¹hã³sain¹te³nah¹lxi¹:
— Pau²lah³lãi³. Ju³te²a² nũ³ka³txi³sxa³te²nãu³xa²
ũ³sa²si¹hã³nxa²ha¹tu¹wi¹. Kris²tu³jah¹lai²na²
wãn³txa²wxa²ẽ¹nãu³ai²na² sa²hau³ko³tũh¹nx²ti³jau³xa²
wãn³txai²li² hxi²kan¹txi³ a³la³kxi²ta³lu²nhxa³jah³lxan³jau³xai²na²
wãn³txai²li² ũ³hũ¹nxa²sxã³ ũ³sa²si¹hã³nxa²ha¹tu¹wi¹.
Nxe³sain¹kxe³sa¹wa².

9 A²nxe³jau¹xai²na² yen³kxu¹tai²na² whãi²na¹
Txa²wã¹sũ³na² sa²we¹jah¹la² hi²sen³su²
wãn³txu¹tai²na² ã³sa²hãi³kxi²xai³ta¹hxai²hẽ¹la².
A²nxe³jau³jau¹xai²na² ũ³hũ¹sa²sxã³ a²nũ²a²
a²yxo²ha³kxa¹ ĩ³yau¹ũ³si¹hai¹na¹jau³su²
ĩ³la³kxi²si¹hai¹na¹jau³su² ĩ³hxi²kat¹sa²sxã³
ũ³sa²si¹hã³sa³na²hẽ³la².

10 Nxe³sa²te³na¹ oh³xan¹te²a² hxi²kan¹ti³
nũ³ka³txi³su² te²na² oh³xan¹te²a²
nũ³kxũn³ta³ nũ³ka³txi³su² te²na² ain¹sxã³

Txa²wã¹sũ³na² sa²kxai³lu² txa²wã¹ẽ¹na²
 sa²hau³ko³tũ¹hain¹ju³ta² ũ³hũ¹hain¹ju³ta³nũ³a²
 wã²nã³ũ¹hain¹tu¹wa². Je³su²jah³lai²na² wãn³txa²
 yxo²ĩ²sxã³ yxau²xai³tũ³kã³txai²na² hxi²ka²
 wã²nã³ũ¹hain¹tu¹wa².

11 Kxã³nãũ³u¹tai²na² txa²wã¹ha³lo²a²
 yũ²nxa³hĩ¹nu¹tai²na² Txa²wã¹sũ³na²
 Si³yxau³jah¹la² a²wẽ³ha³lxi³nãũ³nxũ³a²
 wã²nxũ¹hain³nha²ta¹hxai²hẽ¹la².
 Txa²wã¹ha³lo²an¹ta² nũ³kã³txi³nũ³a¹
 ĩ²li³te²nũ³a¹ Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lan²tu³
 yxo²ĩ²ain¹ju³ta³nũ³a² ten³ta¹hxai²hẽ¹la².
 A²nxe³ju³kxai³lu² yxo²ĩ²ain¹ju³tan¹te²kxa³ya³lhu²
 a²wẽ³ha³lxi³khai³lo³tain¹ta¹hxai²hẽ¹la². Nxe³jau³xa²
 whã²na¹ Txa²wã¹sũ³na² a²ẽ¹nãn¹jau³su²
 ta¹hxai²hẽ¹la².

12 Nxe³sxã³ Je³su² Kris²tu³jah¹la²
 ã³nũ²nxi²sxã³ yxau³ya³nhẽ³ju³ta²
 yxau³ki³sa²kxai³ yxo²ĩ²ki³sa²kxai³ Txa²wã¹sũ³na²
 yũh³lxi³ki³sxa³kxe³su² ã³yo²o³tũ¹ki³sa²kxai³
 yxo²ĩ²sxã³ ã³tĩ³ki³sa²kxai³ nxe³ki³tã³la².

13 Jã¹nxe³na¹jut3su² khãuh³lxa³txi³sa²ju³ta²
 hxi²waun³jah³lxi³txa³hẽ¹la². Nxũ²kwaj³lxũ¹txi³
 yxau²xai³jah¹lxi³hẽ¹la². Khãuh³lxa³txi³ye²sa²ju³tan¹te²kxa³ya³lhu²
 Je³su² Kris²tu³jah¹lai²na² wãn³txa²
 wi¹ko³nh²yah³lxin¹tu¹wa².

Kris²tu³jah¹la² a³lxi²nẽ³jau³su²

14 Jã¹nxa¹jut3su² Txa²wã¹sũ³nu²kxai³lu²
 Je³su² Kris²tu³jah¹lai²na² A²wĩ³nu²su² ha²kxai³

1 Nxa²ha¹te¹ txai²na² sa²kxai³lu²
 Txa²wā¹hxi²kan¹jah¹lai²na² wān³txa²
 sa²yxo²wet1sxā³ yxau³na¹ha²kxai³
 ū³tī¹kxi²sain¹tai¹ti²tu³wa². A²nxe³jah¹lo²su²
 na¹wa². Nxe³na¹ha²kxai³ txa²wān³txa²
 e³kxi¹nx2ta¹jau³xai²na² wān³txai²li²
 ain³kxi²sah¹lxi³hē¹la². Yxo²thāi³ti³la²
 e³kxi¹nx2ta¹wa². Txa²wā¹sū³nu²su²
 te²hi²sen³kxai³lu² a²ten³jau³khai³xa²
 wain³txi³ kāi³sxā³ yxau²xai³si¹nx2ti³jau³su²
 i³kaix1so¹nx2ti³tah¹ti³ai¹ti²tu³wa².

2 Nxe³ha²kxai³ a²nū²a² ā³xa² i³kāin²te²lon³si¹sxā³
 yxau³ya³nyhu¹i² i³kwa³ya²nyhu¹xa³i²
 ya³nān³ta³ki²la²sxā³ yxau³ya³nyhu¹i²
 nxe³jah³lxi³hē¹la². A²nū²a² ā³xa² kō³nxe³ti³
 kāi³ū¹sa²na³na¹ nxe³yah³lxin¹kxai²nān²tu³ wxāi¹ta²
 i³kwa²kxi²nhyu¹ah³lxan³kxe³su² hāi¹nx²a² a²kit3su²
 a³lxi²waun¹nyha¹jah³lxi³hē¹la².

3 Nxe³sxā³ Txa²wā¹sū³na² Yāu³ka³jxah¹la²
 ā³nū²kxi²sxā³ yxau²xai³la³nha¹ju³ah³lxi³hē¹la².
 Ju¹tai²na² Txa²wā¹sū³na² Yāu³ka³jxah¹la²kxai³lu²
 i³hxi²ka¹txa²lxi³ha²kxai³ hāu²non³sxā³
 yxau²xai³lah³lxin¹tu¹wa².

4 Te²yā¹nxe³kxe³hū³nxe² Je³su²jah³la²
 yxo²i²tū³ka³txai²na² sa²kxai³lu² a²nū²nāu³khai³xa²
 ka³na³ka³na³tā³la². Sū³na² Yāu³ka³jxah¹la²
 nxū²kwai³yxau³nē³jah¹la² ka³na³ka³na³jah¹lai²la¹wa².
 Te²yā¹nxe³sxā³ ha³lo²a² yu³ka³na³ka³na³ju³ta²
 so¹lxi³ wah³nxe³ki³tā³la². Txa²wā¹sū³na²
 i³kaix1so¹nē³lha²kxai³ yan¹nāu³a¹ Sū³nai²li²
 ā³tī³nē³lhxā³ yxau²sa²tē³ju³ta³nū³a²
 wah³nxe³ki³tu¹wa².

5 Txa²wã¹hxi²kan¹ta² Si³yxau³jah¹la²
ka³na³ka³na³jah¹lai²la¹wa². Yxo²i²ki³jau³xai²na²
yau³ka³na³ka³nat³sxã³ yxo²i²ki³tã³la².
ĩ³yau³xa² ũ³hũ¹kxi²sa²sai¹nx2ti³ta¹hxai²hẽ¹la²,
Je³su²jah³la² ka³na³ka³na³jah¹la² a²sa³wi³ha³lxi³su²
ti³hi¹tẽ³lha²kxai³la². Nxe³jah¹la² so¹lxi³
yxo²i²ki³tã³la².

6 Txa²wã¹sũ³na² Si³yxau³tãu³a² Txa²wã¹wĩ³na²
Si³yxau³jah¹la² ka³na³ka³na³jah¹lai²la¹wa².
A²nũ²a²nãu³xa² a²yxo²ha³kxa¹ ne³te²ki³nãu¹xai²na²
ã³si³tẽ³kxi²nẽ³jah¹lo²su² ka³na³ka³na³jah¹lo²su²
na³la². Nxũ²kwai³yxau²sa²tẽ³kxi²nẽ³jah¹lai²la¹wa².

7 Txa²wã¹sũ³na² kãin² thãi³ti³la²
a³lxi²sa²tẽ³nẽ³na³la². Nxe²nẽ³lha²kxai³
Kris²tu³jah¹la² hi²sen³su² hxi²kan¹khai³kxe³su²
ĩ³la³kxi²sa²tẽ³nẽ³te²ju²hẽ³la². Ha³na³ka³lxi³nxe²
ai³sxã³ten³si¹nhẽ³kxe³su²ĩ³la³kxi²sa²tẽ³nẽ³te²ju²hẽ³la².

8 Nxe³jut³su² Txa²wã¹sũ³na² wha²li¹txã³nxu¹tai²na²
wãn³txu¹tai²na² e³kxi²nẽ³ta¹hxai²hẽ¹la². Je³su²jah³la²
ĩ³yau¹ũ¹nhẽ³jau³su² e³kxi²nẽ³ta¹hxai²hẽ¹la².
Nxe³te³nah¹lxi¹:

— A²ko¹ko¹nãu³xa² yxo²ha³kxa¹ a²nũ³kkũn³ju³ta²
sa²so¹kxa²hxa³kain¹sxã³sa²yu³lho¹tain¹ta¹hxai²hẽ¹li¹.
Ain¹ka³tu³ Jah¹lai²na² so¹lxi³
nũ³kkũn³txi³ ã³sen³sai¹yain¹ta¹hxai²hẽ¹li¹.
Nxe³te²nãu³xa² sa²so¹ã³ain¹sxã³
ka³la³xi²ta¹hxai²hẽ¹li¹. Nxe³tãu³a²
a²nũ²a²nãu³xa² ĩ³hxi²ka¹tain¹ju³ta²
ĩ³la³kxi²ti³hi¹tain¹ta¹hxai²hẽ¹li¹.
Nxe³ta¹hxai²hẽ¹la².

9 Jã¹nxe³jau³xu¹tai²na¹:

— Ka³la³xi²ta¹hxai²hē¹li¹. Jau³jau¹xu¹tai²na²sa¹,
 a²si³yxau³tāu³a²sa¹. A²kxā³nxa²
 a³ka³nxi²sā²nxa³ke³la³te²kxai³ hxi²kan¹ti³
 ka³la³xi²hī³nx²nxa³wa². Nxe³sxā³
 yuh³xan¹ko³nāu³a² yuh³nāu³a² a³ka³nxi²sān²ta¹hxai²hē¹la².

10 Te²yā¹nxūn³sxā³ nxe³jah¹lain²txi³
 a³ka³nxi²jah¹lain²txi³ ka³la³xi²jah¹lain²txi³
 ta¹hxai²hē¹la². Ka³la³xi²ka³tu³ oh³xan¹ko³nāu³a²
 oh³xan¹ko³xu¹tai²na² ka³la³xi²ta¹hxai²hē¹la².
 Ka³la³xi²tāu³a² A²yāu³ka³jxah¹lo²khai³xa²
 yxau³sxā³ sa²si¹hā³ka³tu³ nxe³hī¹nān¹te²tu³
 yuh³xan¹ko³nāu³a² whāi²na¹ a²yāu³ka³jxah¹lan²tu³
 yxau²xai³la³kxi²nē³na³la².

11 Jā¹nxe³jut³su² ĩ³la³ka³ti³lxo³tē³kxe³su²
 nxe³te³nah¹lxī¹. Txa²wā¹nū³ka³txai²na²
 a²wān³kxi³nū³ka³txi³ki³nāu¹xai²na²
 ĩ³kaix¹so¹tū³ka³txa² ĩ³la³ka³ti³lxo³tē³lha²kxai³
 a²wān³kxi³nū³ka³txi³ki³nāu¹xai²na² Sū³na²
 wān³txa² ĩ³ye³ūh¹nyhu¹ki³jau³nū³ai²na²
 ĩ³la³ka³ti³lxo³tē³lha²kxai³ a²wān³kxi³nū³ka³txi³ki³nāu¹xai²na²
 ha³lo²a² u²lxan¹ko³xai²na² ai³sxā³
 wa³nūn³tū³ka³txa² ĩ³hen³txi³si¹jau³nū³su²
 ĩ³la³ka³ti³lxo³tē³lha²kxai³ a²wān³kxi³nū³ka³txi³ki³nāu¹xai²na²
 sa²kxai³lu² Je³su²jah³lai²na² wān³txa²
 yxo²i²tū³ka³txa² ĩ³hau³ko³ti² ĩ³ye³kxi²sa²tē³i²
 nxe³si¹jau³nū³su² ĩ³la³ka³ti³lxo³tē³lha²kxai³
 nxe²xai³nē³te²ju²hē³la².

12 Nxe³ha²kxai³ Je³su²jah³la² yxo²i²te²nāu³xa²
 a²yxō²ha³kxa¹ wain³txi³ yxo²i²kāi²not³si¹hain¹jau³nū³su²
 ĩ³hxi²kat¹txa²lxī³tu¹wa². Nxe³kxi³nū³su²
 Kris²tu³jah¹la² a²nū²hū³sxā³ yxo²i²tū³ka³txan²tu³
 nxū²kwai³lxū¹nū¹hain¹tu¹wa².

13 Nxe³ki³kxai²nān²tu³ yxo²i²yah³lxin¹jau³xain²txi³
 yxo²i²a¹jau³xain²txi³ nxe³tu¹wa². Je³su²jah³lo²su²
 Txa²wā¹sū³na² A²ki³lha³lhxu² jau³jau¹xai²na²
 wi¹la³la³kxi²ki³tu¹wa². Nxe³kxa²yu³su²
 hxi²kan¹txi³lon³ki³tu¹wa². Nxe³te²kxa³kxa¹
 Kris²tu³jah¹la² yā¹nxe² kāi²non³ki³tu¹wa².

14 Nxe³hī¹nān¹te²tu³ wē³ha³lxa²
 yā¹nxe³ki³sxa³lho³la². Te²yā¹nxe² na³vi²o²tē³na²
 yā¹nxe³ki³sxa³lho³la². A²nxe³tē³na² it3ta²
 ūn³kxa² sa²ik3kxai²nān²tū³ na³vi²o²tē³na²
 kwa²sa²xai³li² kwa²sa²wa²lho¹xi² jā¹nxe²
 nxe²xai³te²ju²hē³la². Te²yā¹nxe³jut3sū³nxe²
 kāi³ki³sxa³lho³la². Wān³txa² tah²yau³xai²na²
 ain³kxi²ki³kxai²nān²tu³ ka²yāu¹ka²yāu¹jau³su²
 kxai²nān²tu³ ain³kxi²ki³sxa³lho³la². Wān³txa²
 i³ki³ha¹kxi²nē³te³lhxā³ e³kxi²nē³lain¹kxan²ti³ hai³txi³
 ain³kxi²ki³sxa³lho³la².

15 Nxe³yān¹ta¹ a³li²waun¹nyhu¹sxā³ wān³txa²
 ya²la³lyau³xa³ so¹li³ e³kxi²ki³tā³la². Kris²tu³jah¹la²
 txa²wā¹ne³ka³nāu³ai²na² ne³kih¹nha²ki³kxa²
 yā¹nxe³ki³tā³la². Nxe³jah¹la² yā¹nxe² kāi²non³sxā³
 ā³nū²kxi²sxā³yxau³ki³tu¹wa².

16 Jā¹nxe³kxe³hū³nxe² txa²wā¹nū²a²
 yā¹nxe³hū³nx2na³la². Txa²wā¹ka³ti³tā³nāu³xai²na²
 yxo²ha³kxa¹ txa²wā¹ne³ka³nāu³ai²na²
 sa²yxō²wet1sxā³ wi¹lain³ki²sa²sain¹ta³kxi²nha²ki³kxai²nān²tu³
 txa²wā¹nū²ai²na² wi¹lain³ta³kxi²nha² wi¹wen²ta³ki²
 nxe³nē³lhū³nx2na³la². Te²yā¹nxe³kxe³hū³nxe²
 Kris²tu³jah¹la² a²nū²nāu³su² ki³tā³la².
 Kris²tu³jah¹la² txa²wā¹ne³kai²la¹wa².
 Nxe³sxā³ sa²yxō²we¹ki³kxai²nān²tu³
 wi¹lhau³ko³nha²si¹nhē³kxai²nān²tu³

a³lxi³waun¹nyhu¹i² nxũ²kwai³lxũ¹waun¹nyhu¹i²
wi¹we¹kāi²no³nyhu¹i² nxe³hĩ³ki³tā³la².

Kris²tu³jah¹la² hxi²ka² tah²lxi³yxau²xai³ki³jau³su²

17 Kxã³nxai³tã² Ju³te²a² nũ³ka³txi³sxa³te²nãu³xa²
yã¹nxe² kãi³sxã³ yxau²hoh³yah³lxi³ta¹hĩ¹nhẽ¹la².
Yxã¹ta¹ te²yã¹nxe² kãi³xi²yah³lxi³txa³hẽ¹la².
Txa²wã¹hxi²kan¹ta² Si³yxau³jah¹la² wãn³txain²txi³
txa²wãn³txain²txi³ nxe³ya³nx2ta¹wa².
A²nxe³tũ³ka³txai²na² a²ẽ¹nãn¹jau³xai²na² kō³nxe³ti³
ai³nhain¹te²ju²hẽ³la².

18 Au³txi³ wã²nxũ¹hai³nhain¹jau³xai²na²
ka³nxah³jut3sũ³ju³ta² so¹lxi³ ai³nhain¹te²ju²hẽ³la².
Txa²wã¹sũ³na² wãn³txa² sa²yo²ã³ai¹ni²
wi¹la³la³kxai¹nxa³i² nxai¹nha²kxai³ Txa²wã¹sũ³na²
hi²sen³su² wi¹lhin¹sxã³ yxau³nũ¹hain¹ju³ta³
u²sa²tã³ain¹na²hẽ³la².

19 Nxe³te³na¹ kō³nxe³ti³ kãi³ain¹kxe³su² ha²ya³kxa²
ĩ³ãu²lxai¹nxa³wa². Kwa² yxo²kau³ka³nxe³txi³
e³kxi²ju³ta² so¹lxi³ kãi³sa²tẽ³ain¹te²ju²hẽ³la².
Kō³nxe³ju³ta² so¹lxi³ yxo²kwai³nain¹te²ju²hẽ³la².

20 Nxe³nxa²ha¹te¹ wxãi²nãn²ta³ Kris²tu³jah¹lai²na²
sa²kxai³lu² te²yã¹nxe² kãi³te²sxa³yu²hẽ³la².
Te²yã¹nxe² ĩ³tih³nxe³nx2ti³xa³tai¹ti²tu³wa².

21 Wãn³txa²wi¹jau³xa² ĩ³tih³nxe³nx2ta¹tai¹ti²tu³wa².
Nxe³sxã³ Kris²tu³jah¹la² a²sa³wi³ha³lxi³su²
yah³lxi¹nha²kxai³ Je³su²jah³lai²na² txa²wã¹ha³lo²a²
yxau³hĩ¹nai³tã¹jau³la³ wãn³txi³khai³xai²na²
ya²la³lyau³xan²tu³ ain³so¹yah³lxin¹tai¹ti²tu³wa².

22 Jã¹nxe³sxã³ kxã³nxãn¹te² ĩ³nxai³tã²
kō³nxe³ti³ kãi³yah³lxin¹te² ĩ³nxai³tã²
ã³nã¹yah³lxin¹te²sin¹jai¹ti²tu³wa². Yah³lxi¹nha²kxai³

ha³ya³kxa²sin¹sxã³ kãi³yah³lxi³txa³hẽ¹la².
 ĩ³ki³ha¹kxi²nx2ti³sxã³ ko³nxe³ti³
 kãi²non³nxa²lxi³ha³ta²wa².

23 Yah³lxin¹kxai²nãn²tu³ Txa²wã¹sũ³na²
 Si³yxau³tãu³a¹ wxa²ẽ¹nãu³ai²na² tah²lxi³
 we¹txa²lxi³te²ju²hẽ³la². Jã¹nxe³sa²tẽ³nxa²lxi³tu¹wa².

24 Nxe³nx2ti³ju³ta² Txa²wã¹sũ³na² a²ẽ¹nãn¹jau³su²
 te³nah¹lxi¹:

— Txa²wẽ³ha³lxa² tah²lxi³ wet1sa²tẽ³ai¹na¹xã¹.
 Na¹ka³tu³ Txai²yã¹nxe³ sa²tẽ³ain¹tũ¹xã¹.
 Wain³ju³ta² kãi³sa²tẽ³ain¹tũ¹xã¹. Wi¹lhin¹sxã³
 ĩ²sain¹tũ¹xã¹. Nxe³nx2ti³jau³su² Txa²wã¹sũ³na²
 sa²wet1sa²tẽ³nxa²lxi³na³la².

25 Jã¹nxe³sxã³ Kris²tu³jah¹la²
 a²nũ²nãu³a² a²nũ²ka³na³ka³na³kxa²
 yã¹nxe³ki³tã³la². Nxe³ha²kxai³ ĩ³ki³ha¹kxi²jau³xa²
 ã³na¹hxa³jah¹lxi³hẽ¹la². Wãn³txa² ya²la³lyau³xa²
 so¹lxi³ e³kxi²nyha¹jah³lxi³hẽ¹la².

26 A²nũ²a² ã³xa² ĩ³an³ta³kxi²yah³lxin¹kxai²nãn²tu³
 ko³nxe³ti³ kãi³yah³lxi³txa³hẽ¹la².
 Ka³nxa³hi²nxa³ta³lxa¹ ã³nhãu²no³jah¹lxi³hẽ¹la².

27 A²ta³a² kãin²te²a² a²nxũ²kwai³wih¹nx2ti³ha³ta²wa².

28 A²nũ²a² yen³kxa² kãi³kxi²nyhu¹te²
 ĩ³nxai²na² sa²kxai³lu² ha²ya³kxa²
 kãi³kxi²nyhu¹ah³lxi³txa³hẽ¹la². Hãi¹sxã³
 wxa²hxi²ki³khai³xai²na² wxa²no²la³kxi²sxã³
 yen³kxa² wi¹kxa² so¹lxi³ kãi³jah³lxi³hẽ¹la².
 Yah³lxin¹kxai²nãn²tu³ a²nũ²a² ã³xa²
 yen³kxi³txa²te²na² ã³ne³khauh²kxi²yah³lxin¹kxai²nãn²tu³
 hxi²kan¹txi³ hxi²nũ¹nũ³hain¹yah³lxi³hĩ³nxa¹lxa².

29 Wãn³txa² ko³nxe³jau³xa² wxa²yo²ai²na²
 ĩ³ye³sxã³ sa²yo²sai¹yhah¹lxi³txa³hẽ¹la². Wãn³txa²

wi¹jau³xa² so¹lxi³ ã³nhxi²nũ¹nũ³yha¹lxin¹jau³xa²
 so¹lxi³ e³kxi²nha¹ju³ah³lxi³hẽ¹la².
 Nxe³yah³lxin¹kxai²nãn²tu³ wxa²yo²wãn³txa²
 î³wi¹lhi¹nũ¹nyhu¹ah³lxin¹tu¹wa².

30 A²wi¹lhĩ¹nai²li² Kris²tu³jah¹lai²na² wãn³txa²
 yxo²ĩ²yah³lxi³nhĩ¹na² Txa²wã¹sũ³na² hi²sen³kxai³lu²
 A²yãu³ka³jxah¹la² wi¹lhin¹khaix¹jah¹la²
 î³sa²si¹hã³ũ¹nhẽ³ta¹hxai²ti³ai¹ti²tu³wa²,
 txa²wã¹ẽ¹nãu³a² yxau³kxi²nẽ³te³lha³ka².
 Nxe³nẽ³ju³tan¹te²kxa³ya³lhu² Txa²wã¹sũ³na²
 wxa²wa²su¹ta³lun²nũ¹nhẽ³ju³ta³nũ³a²
 a³la³kxi²ton³nẽ³na³la². A³la³kxa²ti³lon³nẽ³lha²kxai³
 Sũ³na² Yãu³ka³jxah¹lo²nu¹ta²kxai³
 î³ãin²ta³kxah¹lxi³txa³hẽ¹la².

31 Kõ³nxe³ti³ kãi³yah³lxi³txa³lxa².
 Yah³lxin¹kxai²nãn²tu³ wã²nxũh¹ kwa²to³toh³lxi³
 î³xan³ta³kxi² î³wã³lon³kxi² a²nũ²a² ã³xa²
 î³xan³ta³kxi² î³kaix¹sxã³ î³yo²xũ³ni² a²nũ²a² ã³xa²
 kõ³nxe³ti³ kãi³ũ¹te³lhxã³ î³ye³kxi²nyhu¹i² a²nũ²a²
 ã³xa² kõ³nxe³ti³ î³yĩ¹li²hi² nxe³yah³lxi³txa³lxa².

32 ã³na¹yah³lxin¹kxai²nãn²tu³ wi¹lhin¹ye²nyhu¹i²,
 î³ãin²ta³kxi²nyhu¹sxã³ a³lxi²nyhu¹i²,
 nxe³jah³lxi³hẽ¹la². Yah³lxin¹kxai²nãn²tu³
 Txa²wã¹sũ³nai²na² Kris²tu³jah¹la² hxi²kai²na²
 te²hi²sen³su² kõ³nxe³ti³ kãi³yah³lxin¹ju³ta²
 wxa²wa²su¹txa²lxi³kxa² yã¹nxe³sxã³ a²nũ²a²
 ã³xai²na² wxa²wa²su¹jah³lxi³hẽ¹la².

5

Txa²wã¹sũ³na² a²wẽ³ha³lxi³lo³tẽ³jau³su²

1 Jā¹nxe³jut3su² Txa²wā¹sū³na² wē³ha³lxi³su²
yah³lxi¹lxa². Yah³lxi¹nha²kxai³ Sū³na² kâi³kxa²
yā¹nxe² kâi³jah³lxi³hē¹la².

2 A³lxi²waun¹nyhu¹ah³lxin¹jau³su²
yxau²xai³jah¹lxi³hē¹la². Kxā³nxai³tā²
Kris²tu³jah¹la² a³lxi¹nx2ti³ta¹hxai²ti³ai¹ti²tu³wa².
A³lxi¹nx2ti³ha²kxai³ wā²nxūh¹lxi³sxā³
ya³lu²kxi²nūh¹nx2ti³ta¹hxai²ti³ai¹ti²tu³wa².
Nxe³sxā³ Txa²wā¹sū³na² wi¹lhin¹sxā³
î²si¹nx2ti³ta¹hxai²ti³ai¹ti²tu³wa².

3 Je³su²jah³lai²na² wān³txa² yxo²î²sxā³
yxau²xai³yah³lxi¹nha²kxai³ wi¹lhin¹ti³hi¹txa²lxi³te²jai¹ti²tu³wa².
Nxe³nx2ti³ha²kxai³ a²nū²a² ā³xa² kuh³lxa³thin¹sxā³
o²la³kxin¹ju³ta² ā³na¹hxa³ti² kuh³lxa³thin¹sxā³
wā²nxūh¹ain³nyhah¹lxin¹ju³ta² ā³na¹hxa³ti² a²nū²a²
ā³xa² yen³kxa² ha²ya³kxa² yxo²kwain³kxi²nha²
nxe³jah³lxi³hē¹la².

4 Te²yā¹nxe³sxā³ wān³txa² wxa²yxo²a²
e³yah³lxin¹jau³xa² wi¹jau³xa² so¹lxi³ e³jah¹lxi³hē¹la².
Kuh³lxa³thin¹jau³xa² e³yah²lxa³nha²kxai³
kwa²toh³lxi³jau³xa² kō³nxe³thin¹jau³xa²
e³yah²lxa³nha²kxai³ kō³nxe³thin¹sxā³
ha²ya³ka³lxi³sa²jau³xa² e³yah²lxa³nha²kxai³
nxe³jah³lxi³hē¹la². Hāi¹nxe³sxā³ Sū³na²
wi¹lxo³kxi²jau³xa² so¹lxi³ e³jah¹lxi³hē¹la².

5 Jā¹nxe³jut3su² kō³nxe³thin¹ko³xai²nān¹tū³ka³txa²
yā¹nxe² kâi³yah³lxin¹kxai²nān²tu³
hxi²kan¹txi³ Txa²wā¹sū³na² Si³yxau³tāu³a¹
Kris²tu³jah¹la² nxe³sxā³ te²na² ha³lo²la³
ā³wih¹sxā³ yxau²xai³lyah³lxi³hî³nx2nxa³lxa².
Nxe³sxā³ a²nū²ai²na² kuh³lxa³thin¹sxā³

a²nũ²a² ã³xa² o²la³kxi²nyhu¹kxi³te²na²
ã³wih¹xa³ha²kxai³ kuh³lxa³thin¹sxã³
wã²nxũh¹hain³nha²ju³ta² kãi³kxai²nãn²tu³
nxe³te²na² ã³wih¹xa³ha²kxai³ a²nũ²a² ã³xa² yen³kxa²
yxo²kwain³kxi²nyhu¹kxi³te²na² ã³wih¹xa³ha²kxai³
nxe³hĩ³nx2na³la². A²nxe³te²na²:

— A²nũ²a² ã³xa² yen³kxa² yxo²kwain³na¹nha¹.
Nxe³kxai²nãn²tu³ a²nxe³te²na² yen³kxai²na²
a²sũ³nu³lot3sxã³ sa²yxo²we¹jut3sũ³nxe²
yxau²xai³hĩ³nx2na³la².

6 A²nxe³te² he³la³kxai²na² Sũ³na²
ĩ³xan³ta³kxain¹ju³ta³nũ³a² yũ²na³la². Sũ³na²
wãn³txa² sa²yxo²we¹txa³kxai²nãn²tu³
nxe³te²nãu³xa² ĩ³xan³ta³kxain¹ju³ta³lon³tu¹wa².
Nxe³kxe³su² wãn³txa² kwa²toh³lxi³jau³su²
ain³kxah¹lxin¹kxai²nãn²tu³ ĩ³ki³ha¹kxi¹nx2ti³kxa²yan³txi³su²
nxe³ye¹nx2ta¹wa².

7 Nxe³ha²kxai³ te³xai²yã¹nxe²
kãi³ũh¹ah³lxi³txa³hẽ¹la².

8 Kxã³nhxĩ¹nai³tã² ka³nxah³ti³hũ³nxe²
yxau²xai³lyah³lxi³te²sin¹yu²hẽ³la². Yxãn¹ta¹
hĩ¹nai²na¹ Kris²tu³jah¹la² yxo²ĩ²yah³lxi¹nha²kxai³
ha²te¹te²hũ³nxe² yxau²xai³lyah³lxi¹lxa².
Yxah³lxi¹nha²kxai³ ha²te¹te²a² a²wẽh³ha³lxa²
yã¹nxe² yxau²xai³jah¹lxi³hẽ¹la².

9 Jã¹nxe³jut3su² Txa²wã¹sũ³na²
Yãu³ka³jxah¹la² nxũ²kwai³yxau³kxai²nãn²tu³
wi¹lhin¹ju³ta² kãi³ha²kxai³ wain³ju³ta² so¹lxi³
ten³yah³lxi¹nha²kxai³ a²ya³la³tu³ jau³xa² so¹lxi³
ten³yah³lxi¹nha²kxai³ yah³lxi³te²sin¹yu²hẽ³la².
Nxe³yah³lxin¹kxe³su² ha²te¹te²a² wẽ³ha³lxa² yã¹nxe²
yxau²xai³lyah³lxi³hĩ³nxa¹lxa².

10 Jã¹nxe³ha²kxai³ Txa²wã¹sũ³na²
a²ten³ju³ta² ĩ³wi¹lxo³ki²ki³ju³ta³nũ³a² so¹lxi³
kãi³ũh¹jah³lxi³hẽ¹la².

11 Ka³nxah³ta² kãi³ki³jut3sũ³nxe²
kãi³yah³lxi³txa³hẽ¹la². Ko³nxe³ti³
kãi³ki³ju³tai²la¹wa². Yxãn¹ta¹wi¹lain³nha¹jah³lxi³sã²nhẽ³la².
Ko³nxe³kxai²nãn²tu³ĩ³yau¹ũ³waun¹nha¹jah³lxi³hẽ¹la².

12 A²nxe³te²na² hãi³a² kãi³ain¹ju³ta²
ko³nxe³khai¹nxe³ha²kxai³ ĩ³hen³txi¹nx2ta¹kxe³su²
ãu²li²to³nha²hĩ³na¹wa².

13 Jã¹nxe³jut3su² ha³lo²a² sa²ha²te¹kxai²nãn²tu³
yen³kxa² a²yo²ha³kxa¹ e³la³nah¹lxi³te²ju²hẽ³la².
E³la³nah¹lxi³kxai²nãn²tu³ a²ẽ¹nãu³ai²na² wi¹tã³nxa²
ko³nxe³tã³nxa² a³ya³ti³hĩ³nx2na³la².

14 Te²yã¹nxe³jau³su² Txa²wã¹sũ³na²
ũ³wha²li¹txã³nxu¹tai²na² nxe³te³nah¹lxi¹:

– ãu³xi²te²hũ³te² ĩ³nxai²na² txu¹lxi¹jah³lxi³hẽ¹li¹.
Ya³lu²te²hũ³te² ĩ³nxai²na² ka³ten³su²
ĩ³sa²yxau³xi¹jah³lxi³hẽ¹li¹. Kris²tu³jah¹lo²su²
te²hi²sen³su² wxa²ẽ¹nãu³ai²na²
ĩ³ha²te¹ti³hi¹txa²ti³tu¹wi¹.

Nxe³ta¹hxai²hẽ¹la².

15 Jã¹nxe³ha²kxai³ ha³lo²ai²na²
yxau²xai³sa²tẽ³yah³lxin¹kxa²ĩ²khai¹nxe³jah³lxi³hẽ¹la².
A³la³kxi²nxa³te²yã¹nxe³yah³lxi³txa³hẽ¹la².

Wi¹le³kxi²nha²te²a²yãx1jah³lxi³hẽ¹la².

16 Ha³lo²a² wa³su³txi³ ha³nãu³hi²nẽ³na³la².
Nxe³nẽ³lha²kxai³ wain³txi³ yxau²xai³jah¹lxi³hẽ¹la².
Wain³txi³ yxau²xai³lyah³lxin¹kxai²nãn²tu³ a²nũ²a²
yo²ĩ²xa³te²nãu³xa² Kris²tu³jah¹lai²na² wãn³txa²
ĩ³yau¹ũ³yah¹lxi³hĩ³nxa¹lxa². Ha³lo²a² ko³ton³na³la².
Nxe³ha²kxai³ wi¹yxau²xai³jah¹lxi³hẽ¹la².

17 Kwa²toh³lxa³ti³su² yah³lxi³txa³hē¹la².
Txa²wā¹hxi²kan¹ta² Si³yxau³jah¹lai²na²
ten³sih¹nxa²ti³jau³su² a³la³kxi¹jxah³lxi³hē¹la².

18 Vĩn²yau³xa² ũn³jau³xa² ĩ³na²sxã³
wen¹yah³lxi³txa³hē¹la². ĩ³na²sxã³
wen¹yah³lxin¹kxai²nãn²tu³ hin¹yah³lxin¹kxe³su²
ko³nxe³ti³ kãi²nõn³yah³lxi¹nha³ta²wa². Hãi¹sxã³
Txa²wā¹sũ³na² Yãu³ka³jxah¹la² wxa²ẽ¹nãu³ai²na²
ain³sa²tẽ³kxi²nha¹jah³lxi³hē¹la².

19 Jã¹nxe³te³na¹ wãn³txa² wi¹jau³xa²
Ta³vi²yah³lu¹ta²na² wãn³txa² ĩ³hai³ni²
ĩ²no³jau³xa² hain³sxã³ Txa²wā¹sũ³na²
ĩ³sa²nẽn¹kxi² wãn³txa² wi¹lxon³kxi¹nx2ti³jau³xa²
ĩ³hai³ni² nxe²waun¹nyha¹jah³lxi³hē¹la².
Nxe³yah³lxin¹kxai²nãn²tu³ wxa²ẽ¹nãu³ai²na²
ka³lih³nxa²lxi³ha²kxai³ Txa²wā¹sũ³na²
ĩ³wi¹lxo³kxi²nũ¹ah³lxin¹tu¹wa².

20 Txa²wā¹sũ³na² Si³yxau³tãu³a¹ Txa²wā¹wĩ³na²
Si³yxau³jah¹la² ĩ³sa²nẽn¹kxi¹jah³lxi³hē¹la².
Ha³lo²a² ĩ²li³hxa³ju³ta² ĩ³ha¹jah³lxin¹kxai²nãn²tu³
Txa²wā¹sũ³na² sa²nẽn¹kxi¹jah³lxi³hē¹la². Je³su²
Kris²tu³jah¹la² Txa²wā¹hxi²kan¹ta² Si³yxau³jah¹lo²su²
ha²kxai³ nxe³jah¹la² ĩ³lxa² ĩ³yĩ¹li¹jah³lxi³sxã³
sa²nẽn¹kxi¹jah³lxi³hē¹la².

*A²wẽ³sãi¹yah³la² a²sxe³xa³ka³lxa² wain³txi³
yxau²xai³lain¹jau³su²*

21 Kris²tu³jah¹la² ĩ³kãin²te²lon³si¹sxã³
yxau³sxã³ sa²nẽn¹kxi²kĩ³tã³la². Nxe³kĩ³sa²kxai³
ĩ³kãin²te²lon³si¹sxã³ yxau³yah³lxi³sxã³
sa²yo²we¹ta³waun¹nha¹jah³lxi³hē¹la².

22 A²sxe³xa³ka³lxu³nãu³ ĩ³nxai²na² te²yã¹nxe³sxã³:

— Kris²tu³jah¹la² a²sa³wit³su² na¹xa¹.
 Sa²yo²we¹te²sa¹xa¹. Yah³lxin¹kxai²nān²tu³
 wxa²wē³sāi¹ah³lai²na² sa²yo²we¹ta²xai³tain¹yah¹lxi³hē¹na².
 Nxe³na¹jau³su² nxe³ya³nx²ta¹xa².

23 Jā¹nxe³jut³su² a²wē³sāi¹yah³lai²na² sa²kxai³lu²
 a²sxe³xa³ka³lxu³khai³xa² ne³ti³hi¹kxah³lai²la¹wa²;
 Te²yā¹nxe³sxā³ Kris²tu³jah¹lai²na² sa²kxai³lu²
 yxo²ī²tū³ka³txi³kī³nāu¹xai²na² ne³ti³hi¹tē³jah³lo²su²
 na³la². Nxe³sxā³ Kris²tu³jah¹lai²na²
 a²nū²a²nāu³lo³kī³tā³la². Jā¹nxe³sxā³ Jah¹la²kxai³lu²
 ya³lu²kxi²nē³lha²kxai³ txa²wā¹ē¹nāu³ai²na²
 sa²hau³ko³tē³jah¹lai²la¹wa².

24 Te²yā¹nxe³jut³su² yxo²ī²tū³ka³txi³kī³na¹xai²na²
 sa²kxai³lu² Kris²tu³jah¹la² ī³kāin²te²lon³sxā³
 yxau²xai³kī³tā³la². Nxe³kxi³kxa² yā¹nxe³sxā³
 a²sxe³xa³ka³lxu³nāu³xai²na² sa²kxai³lu² nxe³kxa²
 yā¹nxe² a²wē³sāi¹ah³lo²khai³xa² ī³kāin²te²lon³sxā³
 yxau²xai³lain¹txai²la².

25 Nxa²ha¹te¹ a²wē³sāi¹yah³lo²nāu³
 ī³nxai²na² wxa²sxe³xa³ka³lxu³khai³xa²
 a³lxi¹jah³lxi³hē¹la². Kris²tu³jah¹la² hi²sen³su²
 yxo²ī²tū³ka³txa² a³lxi²nē³ta¹hxai²ti³ai¹ti²tu³wa².
 A³lxi²nē³ju³tan¹te²kxa³ya³lhu² wā²nxū^hlxi³
 ya³lu²kxi²nē³ta¹hxai²ti³ai¹ti²tu³wa².

26 Ya³lu²kxi²nē³lha²kxai³ī³wi¹lhin¹ti³hi¹tē³ta¹hxai²ti³ai¹ti²tu³wa².
 Nxe³te³na¹ ī³yau³xa² tē³sxā³ wxa²ho³kxi²sxā³
 wxa²han³kxi²ti³nē³kxa² yā¹nxe³sxā³
 Sū³na² wān³txi³su² te²kxai³lu² tah²lxi³
 sa²we¹tē³ta¹hxai²ti³ai¹ti²tu³wa², Sū³na² wān³txa²
 sa²yo²wet¹lxi³kī³jau³sa³. Nxe³nē³te²ju²hē³la².

27 Nxe³ka³tu³ kxā³nāu³a¹ yxo²ī²tū³ka³txi³kī³na¹xai²na²
 wxi²kin³ti³ton³khai¹nxe³sxā³ Kris²tu³jah¹lo²nu¹txa²

hxi²ki³kxai³lu² wã²nxũ^h1 tah²lxi³ sa²we¹tẽ³ka³tu³ta¹:

— Wi¹lhin¹khai¹yxah³lxi¹lxi¹. Je³su²jah³lai²na²
wãn³txi³su² nxe² e³kxi²nẽ³jau³su²
nxe³nũ¹nhẽ³tu¹wa², Je³su²jah¹la²kxai³ a²ha³lo²a²
ã³tĩ³ki³hĩ¹na²sa³. A²nxe³te²ki³na¹xai²na² hai³txi³
ko³nxe³ti³ kãi³ki³ju³ta² yũ³nẽ³lxa³ha²kxai³
kãin² khon³ti³nẽ³ju³ta² yũ³nẽ³lxa³ha²kxai³
ĩ³kuh³lxa³ti³nẽ³ju³ta² yũ³nẽ³lxa³ha²kxai³
nxe²nẽ³lxa³lho³la². Nxe³yãn¹ta¹

wi¹lhin¹khai¹nxe² a²nũ²a² ã³xa² hxi²kan¹ti³
ko³nxe³te²lo³tẽ³lxa³ha²kxai³ nxe²sa²tẽ³nẽ³tu¹wa².

28 Te²yã¹nxe³kxe³hũ³nxe² a²wẽ³sãi¹yah³lai²na²
sa²kxai³lu² a²nũ²a²nãu³khai³xa² a³lxi²nha²kxa²
yã¹nxe³sxã³ a²sxe³xa³ka³lxa²na²
a³lxi²nũ¹txai¹nhẽ³la². Nxe³sxã³ a²wẽ³sãi¹yah³lai²na²
ĩ²li³te²na² a²sxe³xa³ka³lxi³khai³xai²na²
a³lxi²kxai²nãn²tu³ a²nũ²a²nãu³khai³xa²
a³lxi²nũ³nhĩ³nx2na³la².

29 Jã¹nxe³sxã³ a²nũ²a² a²sĩn³khai³xa²
yxo²kwĩn¹kxi²te²na² yũ³te²sxa³yu²hẽ³la².
Hãi¹nxe³sxã³ wi¹yai¹yha¹ha²kxai³
wi¹lhau³ko³tha²kxai³ nxe³te²ju²hẽ³la².
Te²yã¹nxe³kxe³hũ³nxe² Kris²tu³jah¹lai²na²
sa²kxai³lu² yxo²ĩ²tũ³ka³txa² wi¹lhau³ko³tũ¹te²ju²hẽ³la².

30 Kris²tu³jah¹la² a²nũ²nãu³sa²kxa²
yã¹nxe³ki³tã³la².

31 Txa²wã¹sũ³na² ã³wha²li¹txã³nxu¹ta²na²
e³te³nah¹lxi¹:

— In³txai²na² txu¹ha² so¹nyhu¹te³lhxã³
nxe³kxai²nãn²tu³ a²wĩ³na² ã³na¹i² a²hã³ka³nai²na²
ã³na¹i² nxe³ka³tu³ a²sxe³xa³ka³lxa²na² so¹nũ²la²
ã³nũ²kxi²sxã³ yxau³ya³tu¹wi¹. ã³nũ²kxi²sxã³

yxau³ya³kxai²nān²tu³ a²nũ²ka³na³ka³na³te²hũ³nxe²
yxau³ya³te²ju²hẽ³li¹. Nxe³ta¹hxai²hẽ¹la².

32 A²nxe³jau³jau¹xu¹tai²na²ĩ³hāi³kxi²nẽ³jau³xai²la¹wa².

Hxi²kan¹txi³ ã³ne³wxe³ta³lun²nẽ³jau³sxa³wa².

Te²yã¹nxe³jut³su² Kris²tu³jah¹la² yxo²ĩ²sxã³

yxau²xai³lain¹tũ³ka³txa² kãi³ũ¹hain¹ju³ta²

wãn³txa² hãi³jau³xai²la¹wa². Hxi²kan¹txi³

a³la³kxi²ki³jau³sxa³wa². Nxe³jau¹xa²e³kxi¹nx2ta¹wa².

33 Jã¹nxa¹jau³su² a²wẽ³sãi¹nāu³ ĩ³nxai²na²

wxa²nũ²khai³xai²na² a³lxi²nyha¹lxin¹kxa²

yã¹nxe³sxã³ wxa²sxe³xa³ka³lxu³khai³xai²na²

a³lxi¹jah³lxi³hẽ¹la². Te²yã¹nxũn³sxã³

a²sxe³xa³ka³lxu³nãu³ĩ³nxai²na²wxa²wẽ³sãi¹ah³lo²khai³xa²

sa²nẽn¹kxi¹jah³lxi³hẽ¹na².

6

A²wẽ³ha³lxa² a²wĩ³na² a²hã³ka³na² wain³txi³
yxau²xai³lin³tain¹jau³su²

1 Nxa²ha¹te¹wẽ³ha³lxi³ĩ³nxai²na²sa²kxai³lu²:

— Sũ³na² wẽ³ha³lxi³su² na¹xã¹.

Yah³lxin¹kxai²nān²tu³wxa²wĩ³na²sa²yxo²we¹txi²

wxa²hã³ka³nai²na²sa²yxo²we¹txi²nxe³jah³lxi³hẽ¹la².

Ju¹tai²na²wain³na³la².

2-3 Txa²wã¹sũ³na² ũ³wha²li¹txã³nxu¹tai²na²
e³te³nah¹lxi¹:

— Wxa²wĩ³na²wxa²hã³ka³na²wi¹kãi³ũh¹xai³jah¹lxi³hẽ¹li¹.

Nxe³jau³jau¹xu¹tai²na²kwa³na³nẽ³jau³xai²la¹wa².

Sa²yxo²we¹ki³kxai²nān²tu³ka³lih³kxi²la²nha²

yxau²xai³ki³tu¹wa².

— Sa²yxo²we¹jah³lxin¹kxai²nān²tu³

ka³lih³kxi²la²yhah¹lxi¹nha²kxai³yuh³xai²nān¹ta³ko³xai²na²

kwẽ³kxa²ka³lxa¹txi³yxau²xai³yah³lxi¹nha²kxai³

nxe³yah³lxin¹tu¹wi¹. Sũ³na² wãn³txu¹tai²na²
 nxe³ta¹hxai²ti³ai¹ti²tu³wa². A²nxe³jau³xu¹tai²na²
 wi¹lhin¹ki³ju³ta³nũ³a² ĩ³yau¹ũ¹nhẽ³jau³su²
 ta¹hxai²ti³ai¹ti²tu³wa², sa²yxo²we¹ki³kxe³su²
 ha²kxai³la².

⁴ A²wĩ³na² ĩ³nxai²na²sa¹. Wxa²wẽ³ha³lxi³nãu³xa²
 ĩ³xan³txi³ te²lot3jah³lxi³txa³hẽ¹la². Hãi¹sxã³
 Sũ³na² wãn³txa² ĩ³tih³nxe² wain³txi³ ĩ³yau¹ũ¹hi²
 nxe³txain¹yah³lxi³hẽ¹la².

*Kwa² wa³ka³li³lon³kxi²jah¹la² a²wa³kxẽn³yah³la²
 yxau²xai³lya³jau³su²*

⁵ Jã¹nxai¹jau³su² a²wa³kxẽn³yah³lo²lot3sxã³
 yxau³yah³lxin¹te² ĩ³nxai²na² ĩ³ye³kxi¹nx2ta¹wa².
 Wxa²wa³kxẽn³yah³lai²na² txa²wã¹ha³lo²a²
 yxau²xai³te²na² wa³kxẽn³yah³lai²na² a²wãn³txa²
 yxo²ha³kxa¹ sa²yxo²we¹jah³lxi³hẽ¹la².
 Wi¹sa²nẽn¹kxi¹jah³lxi³hẽ¹la². Kris²tu³jah¹la²
 wa³kon³kxi²yah³lxin¹kxa² yã¹nxe³sxã³ wxa²ha³lo²a²
 a²wa³kxẽn³yah³lai²na² wi¹wa³kon³kxi¹jah³lxi³hẽ¹la².

⁶ ĩ²nx2ti³hĩ¹na² so¹lxi³wi¹wa³kon³yah³lxi³txa³hẽ¹la².
 ĩ²nx2ti³xa³kxan²ti³ wi¹wa³kon³jah¹lxi³hẽ¹la².
 A²nũ²a² so¹lxi³ ĩ³wi¹lxon³kxi²sih¹nx2ti³jau³nũ³su²
 nxe³yah³lxi³txa³hẽ¹la². Yxãn¹ta¹ Kris²tu³jah¹la²
 a²wa³kxẽn³yah³lo²lot3jah³lxi¹nha²kxai³
 wxa²ẽ¹nãu³ai²na²:

— Wain³txi³ kãi³a¹tũ¹xã¹. Txa²wã¹sũ³na²
 a²ten³ju³ta³nũ³a² so¹lxi³ kãi³a¹tũ¹xã¹.
 Nxe³yah³lxin¹jau³su² nxe³jah³lxi³hẽ¹la².

⁷ Nxe³kxa²yu³su² wi¹kãi³yah³lxin¹kxa²yu³su²
 ka³lih¹nha²sxã³:

— Txa²wã¹hxi²kan¹ta² Si³yxau³jah¹la²
 wa³kon³kxi²na¹xã¹. Hai³txi³ yuh³xan¹te²na²
 hxi²kan¹jah¹lai²na² so¹lxi³ wa³kon³kxin²nxa³xã¹.
 Nxe³jah³lxi³hẽ¹la².

8 Jã¹nxe³ha²kxai³ a²nũ²a² i²li³te²na²
 wi¹wa³kon³kxi²kxai²nãn²tu³ a²nxe³te²na²
 sa²kxai³lu² Txa²wã¹hxi²kan¹jah¹la² hi²sen³su²
 ũ³yho³hi²xi²tu¹wa². Kwa² wa³kon³kxi²jah¹la²
 ta³nxa² a²nũ²a² ã³xa² wa³kon³kxi²nxa³sxã³
 kwa² yxau³jah¹lo²su² ta³nxa² i²li³te²na¹
 ũ³yho³hi²xi²tu¹wa². Nxe³ya³nx2ta¹wa².

9 Nxe³nxa²ha¹te¹a²nũ²a²a²wa³kxẽn³yah³lo²lo³tain¹yah³lxin¹te²
 i³nxai²na² te²yã¹nxe³sxã³ wi¹kãi³tãu³lot3txa²lxi³kxa²
 yã¹nxe³sxã³ wi¹kãi³ũh¹txain¹yah³lxi³hẽ¹la².
 Kõ³nxe³ton³sih¹tain¹yah³lxin¹jau³su²
 e³kxain¹yah³lxi³txa³hẽ¹la². Oh³nãu³nũ¹ka³na¹
 Txa²wã¹sũ³na² Si³yxau³tãu³a¹ tũ¹ka³txai²na²
 a²wa³kxẽn³yah³lain²txi³ wxa²wa³kxẽ³yah³lain²txi³
 nxe³jah¹lai²la¹wa². A²nũ²a² ka³na³ki² te²na²
 sa²kxai³lu² Txa²wã¹sũ³na² ten³kxi²kxa² yã¹nxe³sxã³
 a²nũ²a² i³lxi³te²na² yã¹nxe³sxã³ ten³kxi²te²ju²hẽ³la².

Txa²wã¹sũ³na² hxi²ka¹tẽ³lha²kxai³
wa²ni²li²nha²kj³jau³su²

10 Jã¹nxe³jut3su² txa²wã³tã³yah¹lxi¹lxa².
 Ain³kxi²sah¹lxi³hẽ¹la². Txa²wã¹hxi²kan¹ta²
 Si³yxau³jah¹la² nũ³kxũn³te²a² si³yxau³jah¹lai²la¹wa².
 Nxe³sxã³ Je³su²jah³la² ã³nũ²kxi²sxã³
 yxau³yah³lxin¹kxai²nãn²tu³ i³nũ³kxũn³ti³hit1txa²lxi³tu¹wa².
 i³hxi²ka¹ta²lxi³ju³ta³nũ³a² ten³yah³lxin¹kxai²nãn²tu³
 nxe²kãi³ti³hit1txa²lxi³tu¹wa².

11 Kxã³nhxĩ¹nai³tã² a²nũ²ai²li² a²nũ²a² ã³xai²li²:

— He¹kxi²nyhu¹a¹tũ¹xã¹. Nxe³kxai²nãn²tu³
 wã²la² kan²ka³lo³a² ũ³whi²kxi²nha²te²ju²hẽ³la².
 Ũ³whi²kxi²nha²te³nũ¹ta²kxai³la¹ sãn²ta³ka³lo³a²
 ũ³yha³li³kũ¹nha²te²ju²hẽ³la². A²nxe³ka³lo³ai²na²
 hi³ki²a³li³khai³xa² ũ³si³wi¹nha²te²ju²hẽ³la².
 A²ha³la³se³nãn¹ka³lo³a² kan²ka³lo³a²
 ũ³ha³la³wih²kxi²nha²te²ju²hẽ³la². A²nxe³ka³lo³ai²na²
 a²nxũ²kwai³la³tĩh³na² ã³tĩ¹kxi²nha²te³lhxã³
 haut3ta³ka² ta³nxa² hi³ki²a³la² ta³nxa²
 txo¹kxa²yan³txi³sa². Jã¹nxe³sxã³ a²yu³kxan¹ka³lo³a²
 ũ³yhu³wih²kxi²nha²te²ju²hẽ³la². Nxe³kxai²nãn²tu³
 tĩh³na² ai³tĩh³na² u²lxi³ ai³kxan²ti³
 wi¹lã³nxai³hĩ³nx2na³la². Kwa³thi³la³ka³lo³a²
 wa³tãu³wa³tãu³ka³lo³ai²na² hxi²tẽ³nha²
 nxain¹te²ju²hẽ³la². Hxi²tẽ³nha²kxai²nãn²tu³
 a²ko¹ko¹nãu³xa² haut3txa² ha³nxe³lxi³ka³txa²
 ã³na³nain¹kxan¹ti³ hai³txi³ txo¹hĩ³nx2nxa³wa².
 Jã¹nxe³sxã³ a²ne³ka³nãu³a² kwa³thi³la³ka³lo³a²
 ũ³nhe³hẽ¹nha²te²ju²hẽ³la², ĩ³ne³su²lhxã³
 ĩ³ya²lu¹tain¹kxa²yan³txi³sa³. Jã¹nxe³sxã³
 a²hxi²ka³nãu³a² hi³ki²a³la² kãn²ka³txa²
 tẽ³te²ju²hẽ³la², a²ko¹ko¹xa² so¹lxi³
 wa³ka³ti³lo³lha³ka². Nxe³ka³tu³ hã²wxãn³txa³
 ã³nhe¹lxi³te³lhxã³ ai³ain¹te²ju²hẽ³la².
 Nxe³kxa² yã¹nxe³jut3sũ³nxe² a²ta³a²
 nũ³ka³txa² he¹kxi²nẽ³ju³ta² yũ³te²ju²hẽ³la².
 Nxe³kxe³su² wi¹la³non²ta³kxi²nẽ³ju³ta³nũ³su²
 sa²so¹kxi¹jah³lxi³hẽ¹la², Txa²wã¹sũ³na²
 hxi²ka²sa³. Nxe³yah³lxin¹kxai²nãn²tu³ a²ta³a²
 nũ³ka³txa² hxi²kan¹txi³ ĩ³ki³ha¹kxi¹nx2ti³sxã³
 wa³ka³ti³lo³txa²lxi³sxã³ we³nxa²lxi³xa³lho³la².
 12 Jã¹nxe³sxã³ he¹kxi²nẽ³te²na² hai³txi³
 a²nũ²khai³su² ti³he¹nx2nxa³wa². Yxãn¹ta¹

a²ta³a² a²hxi²kan¹te²nãu³xa² he¹kxi²nê³lha²kxai³
a²ta³a² kwa³nũ³kxũn³te²na² he¹kxi²nê³lha²kxai³
ka³nxa³ti³na² yuh³xai²nãn¹te² hxi²kan¹te²nãu³xa²
he¹kxi²nê³lha²kxai³ oh³nãu³an¹te²a²
a²ta³a² nũ³ka³txa² ko³nxe³khaix¹te²nãu³xa²
he¹kxi²nê³lha²kxai³nxe³nê³te²nãu³xa² a²yo²ha³kxa¹
he¹kxi²nê³te²ju²hê³la².

13 Nxe³nê³lha²kxai³ Txa²wã¹sũ³na²
ĩ³hxi²ka¹tê³te²a² whãi²na¹ sa²so¹jah³lxi³hê¹la².
Yxah³lxin¹kxai²nãn²tu³ ko³nxe³te²nãu³xa² hai³txi³
wa³ka³ti³lo³txa²lxi³xa³lho³la². Hãi¹nxe³sxã³
nũ³kxũn³sxã³ yxau²xai³jah¹lxi³hê¹la².

14 Nũ³kxũn³sxã³ yxau²xai³te²na²
so³ta²to²khai³su² te²ju²hê³la². A²nxe³jah¹lo²kxai³la¹
sĩn²ta³ka³lo³ai²na² tẽ³kxai²nãn²tu³
a²wã²la²ka³lo³a² sa²si³nũ³nha²te²ju²hê³la².
Nxe³kxa²yã¹nxe³sxã³ a²ya³la³tu³jau³xa² wain³txi³
sa²yo²we¹ta²xai³jah¹lxi³hê¹la². Jã¹nxe³sxã³
a²ha³la³san¹ka³lo³a² kwa³thi³la³ka³lo³a²
ũ³whi²kxi²nha²te²ju²hê³la². Nxe³kxa²yã¹nxe³sxã³
wain³te²lo³nha²sxã³ yxau²xai³jah¹lxi³hê¹la².

15 Jã¹nxe³sxã³ so³ta²to²jah¹la²kxai³lu²
a²yu³kan¹ka³lo³a² wi¹ka³lo³a² ã³yũ³wi¹nha²kxai²nãn²tu³
wi¹lã³nxai³te²ju²hê³la². Nxe³kxa²
yã¹nxe³sxã³ wãn³txa² hãun²jau³xa² tẽ³sxã³
yxau²xai³jah¹lxi³hê¹la².

16 Nxe³kxa²yu³su² so³ta²to²jah¹la²kxai³
kwa³thi³la³ka³lo³a² wa³tãu³wa³tãu³ka³lo³a²
hxi²tẽ³nha²sxã³ ai³lain¹te²ju²hê³la². Ai³lain¹te³na¹
a²nũ²a² an³txi³te²na² yxau³son³kxi²kxai²nãn²tu³
ha³nxe²a² i³tho³xa² ã³na¹kxi²kxai²nãn²tu³
kwa³thi³la³ka³lo³ai²li² ã³non²ta³kxi²nha²te²ju²hê³la².

Nxe³kxa² yã¹nxe³sxã³ nxũ²kwai³lxũ¹txi³
 Kris²tu³jah¹la² yxo²i²jah³lxi³hẽ¹la².
 Yah³lxin¹kxai²nãn²tu³ kq̄³nxe³te²a² a²ta³a²
 ã³ke³tũ¹nx2ti³kxai²nãn²tu³ hxi²kan¹txi³
 sa²yxo²we¹jah³lxi³hĩ³nx2nxa³lxa².

17 Jã¹nxe³sxã³ so³ta²to²jah¹la²kxai³
 kwa³thi³la³ka³lo³a² ne³hẽ¹nha²te²ju²hẽ³la².
 Nxe³kxa² yã¹nxe³sxã³ ã³wa²sut1sxã³
 yxau³yah³lxin¹kxai²nãn²tu³ a²ta³ai²li² hxi²kan¹txi³
 ka³te³na² wi¹tãu³la³ sa²sai¹kxi¹nx2ti³hĩ³nx2nxa³wa².
 Jã¹nxe³sxã³ so³ta²to²jah¹lan²tu³ hi³ki²a³la²
 kãin²ka³txa² tẽ³sxã³ he¹kxi²nyhu¹te²ju²hẽ³la².
 Nxe³kxa²yã¹nxe³sxã³Txa²wã¹sũ³na²Yãu³ka³jxah¹la²
 nxũ²kwai³yxau³nx2ti³ha²kxai³ Txa²wã¹sũ³na²
 wãn³txa²i³tih³nxe³nx2ti³hĩ³nx2na³la².

18 Nxe³kxa²yu³su² ha³lo²a² i²li³ju³ta²
 ten³yah³lxin¹ju³ta² Txa²wã¹sũ³na²
 i³ye³kxi¹txai¹yah³lxi³hẽ¹la². Txa²wã¹sũ³na²
 Yãu³ka³jxah¹la² ã³nũ²nxi²sxã³ yxau³ya³nx2ti³sxã³
 i³ye³sa²tẽ³kxi¹txain¹yah³lxi³hẽ¹la². Ye³te³nxe²
 yxau²xai³jah¹lxi³hẽ¹la².

— Hxi²kan¹sa²nxa³nha¹. ã³a¹tũ¹xã¹.
 Yah³lxin¹jau³su² nxe³yah³lxi³txa³hẽ¹la².
 Yxo²i²tũ³ka³txai²na²a²yxo²ha³kxa¹wxa²ẽ¹nãu³ai²na²
 i²li³te²na² wxa²sa²wa²lho¹xi²kxai²nãn²tu³
 nxũ²kwai³lxũ¹si¹jau³su²Sũ³na²e³kxi²txain¹yah³lxi³to³hẽ¹la².

19-20 Te²yã¹nxũ³sxã³ Txa²wã¹sũ³na²
 e³kxi²yah³lxin¹tãu³a² kãi³a¹ju³ta²
 e³kxi²txain¹nũn³yah³lxi³hẽ¹la². Kãi³a¹ju³ta²sa¹,
 Txa²wã¹sũ³na² wãn³txa² kxã³nxi¹nai³tã²
 hãi³jau³su² ta¹hxai²ti³ai¹ti²tu³wa². Yxã¹ta¹

hĩ¹na²na² hã³jau³xai²na² ĩ³yau¹ũ³nx2ti³si¹sa²jau³su²
 ĩ³sa²si¹hã³sain¹tai¹ti²tu³wa². Nxe³ha²kxai³
 wãn³txai²na² ĩ³yau¹ũ³nxa²lxa¹ju³tan¹te²kxa³ya³tu³ti¹
 ũ³tĩ¹kxi²sain¹na²hẽ³la². Ũ³tĩ¹kxi²sain¹sxã³
 kwa³thi³lĩh³na² tẽ³sxã³ sa²hxi²tai³kxi²sain¹na²hẽ³la².
 Nxe³tai¹ti²tu³wa². Nxe³sain¹kxan²ti³ wãn³txa²
 ha³ya³kxa³lxi³su² jau³xa² ĩ³yau¹ũ¹hain¹nxa³lho³la².
 Nxe³na¹ha²kxai³ Sũ³na² e³kxi²yah³lxin¹tãu³a²
 ĩ³yau¹ũ³sxã³ ĩ³hxi²ka¹tũh¹sa²jau³nũ³su²
 ĩ³ye³kxi²txain¹yah³lxi³hẽ¹la².

Pau²lah³lai²na² a²ne³ki³san¹jau³su²

21 Nxa²ha¹te¹txa²ha³ta³nxa²ã³ne³wxe³si¹nxa²lxa¹jau³su²
 Ti³ki²kah³la² ĩ³sa²si¹hã³ũh¹nxa²lxa¹tu¹wa².
 Txa²wã¹lon³yah³lai²la¹wa². A³lxi²nẽ³jah¹lai²la¹wa².
 Txa²wã¹hxi²kan¹ta² Si³yxau³jah¹lai²na² wãn³txa²
 wi¹lhiti¹sxã³ sa²yo²we¹jah¹lo²su² na³la². Wãn³txa²
 kã³a¹jau³xa² a²yo²ha³kxa¹ ĩ³yau¹ũ¹nx2ti³tu¹wa².

22 Nxe³jau³nũ³ai²na² so¹lxi³ĩ³sa²si¹hã³ũ¹hai¹na¹tu¹wa².
 Na¹kxai²nãn²tu³ txai²na¹xai²na²
 ha³lo²a² yxau²xai³sĩ¹na¹ju³tai²na²
 ĩ³yau¹ũ¹nx2ti³tu¹wa². Nxe³nx2ti³kxai²nãn²tu³
 nxũ²kwã¹lxũ¹nx2ti³nũ³tu¹wa².

23 Nxe³nx2ti³ju³kxai³lu² Txa²wã¹sũ³na²
 Txa²wã¹wĩ³nu²su² ha²kxai³ Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su² ha²kxai³
 nxe³ya³te²na² sa²kxai³lu² a³lxi²nyhu¹ah³lxin¹ju³ta²
 yũ³ha²kxai³ ã³nhãu²no³nyhu¹ah³lxin¹ju³ta²
 yũ³ha²kxai³ yo²ĩ²yah³lxin¹ju³ta² yũ³ha²kxai³
 nxe³sih¹nx2ti³jau³su² ten³sa³nha²wa².

24 Jã¹nxe³jut3su² Je³su² Kris²tu³jah¹la²
 Txa²wã¹hxi²kan¹ta² Si³yxau³jah¹lo²su²

ha²kxai³ ya²la³tu³ wxa²ẽ¹nãu³ai²na² au³txi³
 a³lxi²sa²tẽ³yah³lxi³te²si¹lxa². Nxe³yah³lxin¹te²
 ã³nxai²na² Sũ³na² thã³ti³la² a³lxi¹nx2ti³ju³ta²
 ten³sa³nha²wa². Jã¹nxã¹jau³su² jau¹xai²li²
 nxe³ya³nx2ta¹wa². Ta³lun²na¹wa².

Txa²wã¹sũ³na² Wã³txa²
New Testament in Nambikuára, Southern
(BR:nab:Nambikuára, Southern)

copyright © 2012 Wycliffe Bible Translators, Inc.

Language: Nambikuára, Southern

Translation by: Wycliffe Bible Translators, Inc.

Nambikuára, Southern [nab], Brazil

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nambikuára, Southern

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

5198f7a7-ab9d-5d69-b112-d94960f81d2a